山庫全幸

史部

欽定四庫全

歷代名臣奏議卷一百六十七

總校官編修臣王照緒 校對官的教臣汪錫魁 勝録監生臣 秦

朴

编

詳校官編修臣問

瓊

修臣裴 隸覆勘

火工の事をもう 一山後 歷代名臣去話 國濟濟多士文王以寧從古來 明 則衰此理之必然也士 事文彦博上奏曰臣 造之目等級升之 撰 耳 所 ----- 定貢舉條貫然處於激勸士行儒風猶有未至臣欲乞 者知朝廷必將不次進用率皆益自奮勵進修德業以 重謂之應将相科亦曰白衣公卿登科之後其在髙等 年來有所未至向時應進士舉者自執卷為儒便知自 副時望所以至於公卿將相為名臣者多是其人近歲 於官得其人國無不治臣以朝廷育才取士之法數 用盖由士子脩為無素朝廷勸獎未周臣亦聞禮部 以來稍異於是登甲科者搢紳罕聞其名朝廷罕得

たらり早から 一 者擢而升之否者量而退之所以正權衙明賞罰抑貪 彦博又上奏曰臣觀六典三銓之法以三類觀其異優 濫進臣欲乞委吏部尚書侍郎大畧依三類之法定本 目進賢能今之典選一守定格選格中有以多舉主有 先時降的開諭使人人知朝廷育才取士之道使各自 近時買人頭得賞官者極多有同配官故多失才亦容 軍功者為上多舉者或善請求有軍功者或客妄冒如 勉勵向去科選得士必多濟濟以寧當由於此 歷代名臣奏議

1 1::::

當上體朝廷委付之重以衛鑑自任處之不疑間或以 尚書左僕射司馬光上疏曰臣竊惟為政之要莫如得 中下三品送中書門下覆驗可否定記判銓官引對 於德而審於才或長於此而短於彼雖旱變稷契止 經壁鑑物無適形更有去留孰不激勸又判銓之官亦 選之人合入知州通判知縣縣令考其才徳功效為上 才高下絕異者特以名聞而進退之乃為稱職 百官稱職則萬務咸治然人之才性各有所能或優

金少に正る言

卷一百六

各守一官況於中人安可求備是故孔門以四科論士 序则官非其人何以致治莫若使在位達官人舉所 能周知若專引知識則嫌於挾私難服象心若止循資 器授任則世無可棄之士臣誤蒙甄握備位军相遊選 漢室以數路得人若指瑕掩善則朝無可用之人茍 則克協至公野無遺賢矣臣不勝狂愚欲乞朝廷設 所重寰宇至廣俊彦如林或以孤寒遺逸被褐懷玉豈 百官乃其職業而知識淺短見聞褊狹知人之難聖賢 随

たこり早から

歷代名臣奏議

善 科 操 舉 科 沭 問 資 該博 舉 官舉 鈴文 財 ΙĒ 有 轄 赋 應職事官自尚書至給舍諫議寄禄官自 五 可備 皆官 可備 有 Z 曰 曰行義純 可無 官 上 私俱 舉官 經術精通 顧 武 獻 問 臣 此 納 便 科 日善聴獄 枓 舉科 科 有官 固可為師表科 亦 舉 官 人三日 官 舉 釬 四 可備講讀 有 日公正 有 可 無 舉官 訟盡公得實科 智勇過人 曰練習法 聰 口文 科 明 人有 有 章典麗 可備 皆官 昏官 令能斷情 可備 無 可無 可 舉, 監 舉官 Ė. 官 司 可備 將 有 九 開 曰 科 日 帥 學 府 節 讞 日

金片

四月人

EĨ

ø:

Ł

欠三日草子号-典 儀 椡 滞|博公 須 用 不在 得 練 失 同 而正 得 홝 か 實 村 舉之 云臣竊見某人 尘 聪 三司至太中大 善 疎明 如所 在 奏狀 科内舉 治 牆 位 令 上 ιίυ ١ſυ W 面 私 之在 到 飙 屢 丱 文 誚 iΕ F 致 日付 ďο 車 昏 而如 者 出 有 病 夫 誾 泉 臣 传 中 歷代名臣奏謀 民 職 今保 何行能 龎 非 經 行 知 邪 耗 自 街 義 某 而 謂 檢 舉 精 觀 純 鄙 險 犯 堪充某科如蒙朝 劻 飾並 文 拙: 通 栺 充 科 須 正 殿 勤謹吏人專 ź ιÑ 虚 某 紕而 繆不 善能 解指 iĐ 身 科 巴脯 能 位陳 犯 艰 بت • 賘 名 講 Т, 在 事 紩 謪 臣 上 뼭 遇 教 計 謂 不 1. 甘 右 制 各 惴 節 每 伏 得 得 随 問 То 致 朝 歳 宽該敗方 肵

管幹上件差使若能辨集即時别置簿記其勞績遇本 金儿人 勘定奪則委執政親檢逐簿各隨所舉之科選差令試 官臣家簿歲終不舉及人數不足按劾施行或遇在京 外方有事須合差官體量相度點檢磨勘剝刷催促 節 仍每科各置簿書時抄録年月日某官姓名别置合舉 有勞績之人補充仍於本人除官勅告前盡開坐舉 職任有關 人之類則委執政親檢逐簿選名實相稱或舉主多 y 万クゴー 街精 謂 粘 經筵 通學問 或 _ 百 學 該 Ļ 博等科人臺球有 官有闕 ٠ Ł Вp 用 行義 純 闕 固 Bh 推 用

執政官朝廷所不可報者亦須降官示罰即朝廷臨時 試本經義第二揚試詩賦第三揚試論第四場試策試 舉之罪名重者自從重法期在必行不可寬有雖見為 光又上科瑪劄子曰臣伏親朝廷改科瑪制度第 罪 如 因事特治舉官明光舉知河渠 主姓名於後或不如所舉其舉主從貢舉非其人律 所舉亦同此法所貴人人重惜所舉官皆得人 犯人正入巳贼舉主減三等料罪者因受賄徇私 歷代名臣奏議 不在十科之内者有不 堀 而

处已四年上時

į

金月口月月 樸敦厚取士中與以後取士尤為精慎至於公府據屬 新 大司徒以六徳六行賔興萬民漢以賢良方正孝庶質 所見不敢不以聞凡取士之道當以德行為先文學為 兩省學士待制御史臺國子監司業集議開奏臣竊有 從事郡國計吏丞史縣功曹鄉嗇夫皆擇賢者為之 就文學之中又當以經術為先辭采為後是故周禮 科明法除斷案外試論語孝經義奉聖古令禮部與 人則為世所幾貶是以人人思自砥礪教化與 b

義試明經專取記誦不詢義理其與至於雜經析注 火足口車合對 科進士日隆而明經日替矣所以然者有司以帖 於治不如經術自魏晉以降始貴文章而賤經術以 文賦者待制鴻都門下祭邕力爭以為辭賦小才無益 化之本原王者所先務不可忽也熹平中詔引諸生 行風俗純厚乃至後世陵夷雖政刑紊於上而節義立 人為英俊以儒生為鄙樸下至隋唐雖設明經進士兩 下有以奸回巧偽致富貴者不為清議所容此乃德 • 經 詞

生火ロル 舉人專尚辭華不根道德涉獵鈔節懷挾勒剽以取 墙或不知 拾過落趟其落韻失平側偏枯不對蜂腰鶴膝以進退 唇燗舌虚费勤勞以求應格詰之以聖人之道曹若 **隠爭難多方以誤之是致舉人自幼至老以夜繼書屬** 髙第行 也至於以賦詩論策進士及其未流專用律賦格詩 天下士不問其賢不肖雖碩 A TIME 如淵騫程試不合格不免點落老死衡茅是 句讀或音字垂訛乃有司之失非舉人之罪 Ā ł 如跖磷尚程試合格不費 科 面 致 臤

欠足四草全島 先儒今天下學官講解及科揚程試同已者取異己者 神宗皇帝深鑒其失於是悉罷賦詩及經學諸科專以 而 **熙使聖人坦明之言轉而陷於奇僻先王中正之道流** 經義論策武進士此乃革歴代之積弊復先王之本典 輕儇言行醜惡靡所不至者不能無之其為弊亦極矣 百世不易之法也但王安石不當以一家私學欲盖掩 入於異端若己論果是先儒果非何患學者不棄彼 歷代名臣奏議

名話之以聖人之道未必皆知其中或遊處放荡容止

此其失也凡謀度國事當守公論不可希時又不 然後為善也令國家大議科場之法欲盡善盡美以 孟子廢六藝而尊百家加之但考校文學不勉勵徳行 酌於人情而皆通稽於上古而克合施之當世而可行 俗宜校是非之小大利害之多少使質諸聖人而 書詩周禮儀禮禮記春秋孝經論語為九經令天下學 所見莫若依先朝成法合明經進士為一科立周易尚 而從此何必以利害誘脅如此其急也又點春秋而進 可徇 不

金だんひ

月石量

本部各舉所知若係親戚亦於舉狀內聲說其舉狀稱 官依注疏講就學士博觀諸家自擇短長各從所好春 明行脩科於後不如所舉臣甘當連坐不辭候奏狀到 臣竊見某州某縣人某甲有何行能臣令保舉堪應經 止為諸子更不試大義應舉者聽自占習三經以上多 又每歳委升朝文官保舉一人不拘見在任不在任是 /随意皆須習孝經論語於家狀前開坐習某經某經 止用左氏傳其公羊穀梁陸淳等說並為諸家孟子

とこの言かかます

歷代名臣奏議

據其舉狀既上之後若所舉之人犯贓私罪至徒已 主官位姓名於其下仍下本州出給公據付本人 朝廷下禮部貢院置簿各分逐路抄録本人姓名注舉 勘施行其人未及第者減五等已及第者減三等坐之 固不能免岩朝廷必坐舉主母有所赦行三五人後 及令本州亦如貢院置簿抄録准備開科場日考驗公 理重及違犯名教候斷記仍收坐舉主奏乞朝廷 如舉選人充京官法臣竊料此法初行其奔競属請 火 取

制好四周百言

百六十

簿上合同方許收接其無舉主者只稱應鄉貢進士舉 とこう 戸こぎ 室亦立身行已不敢不慎惟懼玷缺有聞於外矣所 身及是本貫不曽犯真刑無隱憂匿服此外皆不保 士行自美美每遇開科場其有舉主者自稱應經明行 皆慎 擇其人不敢妄舉如此則士之居鄉居家獨處 脩舉仍於所投家狀前開坐舉主官位姓名有司檢會 不言之教不肅而成不待學官日訓月察立賞告計 法每舉人三人以上自相結為一保止保委是正 歷代名臣奏請 謂 而

|扶出第一 動分四 語 得移坐位相從托商量相聚傳義傳本懷挾代筆違者 程試之日嚴加檢察如舊試經學諸科法各令求已母 次為粗援據疎略理短文拙者為否三通以上為合格 次以已見評其是非以援據精詳理長文優者為通其 本州及貢院考試並依舊法差封彌騰録監門巡捕官 合格者先次駁放合格者榜引次場就試如舊試經 四道先須備載正文次述注疏大意次引諸家異義 月全是 一場先試孝經論語大義五道內孝經 一百六十 道 論

た三り見 出題次場試策三道皆問時務考策之日方依解額 二道 武禮記次場試春秋次場試周易大義各五道今舉 詳 以策論理長文優在上其經明行脩舉人 奏名人數定去留編排髙下以經數多者在上經數 各隨所習經書就試考校過落如孝經論語法次場 學諸科法或合格人數太少則委試官臨時短中求長 酌放過次場試尚書次場試周禮次場試儀禮次場 道於儒家諸子書內出題 E TES 歷代名日奏議 道於歷代正史內 人並於進士前

長文優者在上文理均以舉主多者在上其經明行 此 詳定畢編排之時亦以經數多者在上經數均以策理 别 則舉人皆務尊尚經術窮聖人指趣不敢不精旁覽 亦於進士前別作 進士特加優異他時選擇清要官館閣臺諫等並 取 上封彌官於號上題所明經及舉主人數候考 經 項出榜解發及奏名至御前試時務策一 明行修人其舉主姓名常於官告前聲說 項編排先放及第其推恩注 道

金分口屋

有量

卷一百

詩賦隨其優劣等第推恩亦無傷也不可以比輕改成 岩不欲棄捐舊人候將來科場進士有特奏名者令試 舉不得故為此說欲以動揺科場制度為已私便朝 次正四車全十 法復從弊俗誤惑後生若以為文章之士國家所不 來乞復詩賦者皆向日老舉人止習詩賦不習經義應 不敢不知所得之士既有行義又能明道又能博學又 從政其為國家之用豈不賢於今日之所取所有今 歷代名臣奏誠 可

子史不敢不博又不流放入於異端小說講求時務亦

金りし 數共須及五百字以上取辭采髙者為合格候得解及 讚或四六表啓臨時委試官出題目試某文定篇數字 無即乞許人於試本經合格日投狀乞試雜文於試 之所取為士者果能知道義自與法律具合若其不 奏名及第日編排姓名髙下各在經數同等人之上 次場引試或古詩或律詩或歌行或古賦或頌或銘或 則文章之士亦不乏矣至於律令勅式皆當官者所 何必置明法 科使為士者豫習之夫禮之所去 卷一百六十 Ł

曾得解者不得更應則收拾無遺矣臣愚所見如此伏 若不欲廢棄已習之人其明法曾得解者依舊應舉未 但 法為善仰本州附遞以벡候到京齊足更委其他執政 州有州學處榜州學門令舉人限一月內投狀指定何 乞以臣所奏及禮部等官所議榜國子監門及編下 薄從政豈有循良非所以長育人材敦厚風俗也朝廷 看詳參酌從長施行 日誦徒流紋斬之書習銀鍊文致之事為士已成刻 諸

歷代名臣奏議

專習王氏新舉為日已久來年科場欲無取舊學故有 官保舉一 此指揮令舉人預知而冒之臣所乞置經明行修科者 **青其進士經義並無用注疏及諸家之說或已見仍罷** 光為門下侍郎又上奏曰臣先上言乞每歲奏陞朝文 律義先次施行臣竊詳朝廷之意盖為舉人經義文體 行昨己有朝旨來年科場且依舊法施行竊聞近有聖 士惟於及第後推恩優異以勸勉天下舉人使敦修士 人應經明行修科與進士並置程試一如進 卷一百

次正四車全售 廷自當不次遷擢豈拘此制凡年髙資深之人雖未必 光又上奏曰臣竊見御史韓川上言諸路監司不當拘 不可不為之立資格以抑躁進塞倖門若果有賢才 限資格專任舉主當令宰相自加選擇竊緣常調之 妨 以美教化厚風俗比於經義文體尤為要切宜使舉 欲使舉人知向去科場朝廷敦尚行義不專取文學所 知欲乞亦降朝青先次施行况與進士舊法兩不相 歷代名日奏議 郭

端 交售無以知其行能不惟涉徇私之嫉兼所取至狹豈 親民便任監司者必少勝矣朝廷執政止八九人若 足以盡天下之賢才若采訪毀譽則爱怕毀譽情偽萬 今後自然慎擇不敢妄舉矣至如楚潜等雖無聲名安 與其聽遊談之言曷若使之結罪保舉故臣奏設十 ,賢然累任親民歷事頗多知在下艱難比於元不 所不能無但有不如所舉者嚴加譴責無所寬宥 以舉士其中一 科公正聪明可備監司誠知請屬挟 非

6

一大定四東全對 一 人才者以士衆多為樂令之主選舉者以士衆多為患 瞬, 得人以治其事而已如為治必欲得人則唯恐人才之 古之以禮聘士常恐士之不至令之以法抑士常恐士 不足不患子衆多也如治事皆任其責則惟恐士之不 之競進古令豈有異哉盖未之思爾夫為國之安不越 大學博士呂大臨論選舉六事疏曰臣竊惟古之長育 知其無實用俟其到官無狀廢職升舉主坐之亦未為 歷代名臣奏誦

官擇士則常患乏才待火之史歷歲不調然考其職事 任考功其事目之詳具于後 立辟法以興能備用立舉法以覆實得人立考法以責 則常患不治此所謂名實不稱本未交戾如此而欲得 以量才進藝立貢法以取賢紋才立試法以試用養才 人以事不問其才之所堪故入流之路不勝其多然為 至不爱乎競進也令也取人而用不問其可任何事任 而事治未之有也今欲立士規以養德厲行更學制 起一百六十 火迁り長亡時 規略如學規禁過條目其大過如兼為工商所 參考行實無監然後書于籍皆供本貫三代年 者供出身 胜任 除居學者自有學制外别立士任所習舉業已任除居學者自有學制外別立士 博訪以姓名申州縣長更再加審覈無遺與學官 士規 籍并居學不居學應舉不應舉皆委自鄉郭隣里 士人不以係寓土著已仕未仕 紀及年及七十 水之類皆禁之 第二道一道記善記好記如遊非其人非義 第二道一道記善民有善 州縣甘立學甘立士籍學官正録掌之 歴 任 歷代名日奏節

金ガンロアとるまで 學 過 退 記 于 推擇為泉所服者為外學正州 坊自 道 過謂之直月每月約日群集于學釋菜于先 既書許其改過不願改及終不俊者去其籍 直 而食于堂直月以所記過之狀白于外學正 正與泉評其可否而書之而告其人 月 及 直 過 鄉人 者皆書之 總至 之三 釭 會人悉告)委州縣學正於學外 預籍者又月輪 ā 記 學之 過過 亦則 至 巾 立、 量 准 泉凡 罰 計 人主書善 郡 採善 ΰ 犯 之行 坊小 中 外 告許 總自

次定四車全事-尊禮不與眾同如出遊它所皆具所以遊之事告 察德行皆質于此其學行素高為泉所推者別加 得與士齒不得服士衣冠先定士及庶人 賈尚各有事惟士一職多容 遊手罷惰之流士 鄉里服士衣冠而與士大夫遊皆名為士而賢 風淪丧人才不興皆原於此自祖宗以來州縣 立學惟守令留意者僅能勸督應舉課業而門 古者四民不雜處士所習皆有業令也農工商 歷代名法奏講

害大 學先廢人之大倫縱博聞多識將女用之此失 聚課試誦讀然後為學盖必立明師使時往請 皆人之大偷養道安有可関令必使捨此而 然比見所立學制多欲士人居學日久此極有 無行之人又無忌憚欲望美風俗育人才難矣 其本不可不革沉古之至學亦不在乎朝夕羣 不肖混淆莫之 八抵為士者莫不有家仰事父母俯育妻子 能辨德學之進者既無以旌

金グロルノニ

えい うし こと 一學制 業成者旬一 少儀十年以上至于十九皆入小學二十以上 齒所以清士流此為之兆矣兆足以行則潤澤 月書善惡所以進善改過非其人者不得與士 之方更繁善治者措置如何耳 小學本得應舉大學分四科一曰德行二曰未中格者且居大學分四科一曰德行二曰 凡學之制皆立大學小學課讀誦訓話習 一試之十試中格者始得入火學方許 代名臣奏誦

教有所於式可矣令之議立士規所以防其失

銀定匹庫全書: 馗 學術三曰文辭四曰政事德行之科居縣者縣之 瀳 長吏及學官以參求可以應者貢于朝 以察其學識旬月而歸以簿籍其姓名俟科場 禮聘之縣今津遣赴州學命學官館之數與議論 道其故州之長東與學官再加審察得其實以其學行署州之長東與學官再加審察得其實以 吏察 令佐與學官令衆推擇察得其實以其名薦于 典故為業一 州長 學術之科以多聞博識明義理辨節 口明經 卷一百六十 經經經 經為易詩書春秋 3 少 自 者如 經 惟居 至 . 禮 州 學 于 學 州 官

たこり見とき 自學術文解政事三科並依科場法許人應舉 自逐縣官以格陞之州學學官又選其能者籍之 論優長為善已上惟徳行一科皆從推擇禮聘 陳利害如法令脩立條約不必文辭惟取措置議 政事皆務究知利害本未及措置之法如史文 業如制語華奏文檄書問碑銘詩賦之類如唐制 習史 言而求之凡明 如禮兼明三禮如樂雖無經亦參取六經所 成敗及典故沿革 歷代名臣奏議 必兼治孝經 文辭之科皆習雜文為 論語孟子

道習史者試策三道文辭者試雜文二場每場問 次之習政事者為下明經者一經為一場試義三 者又次之止習一經或習史者又次之習文辭者 史或文辭者次之止習三經者又次之止習二經 學術文辭之科甘東習史及文辭為上所兼習或 司選官考試如舊法額定中選人數頁于尚書禮 部其課試髙下之法以所習之髙下多少為等凡 每有科場學官以其名聞于州州申轉運司轉運 息一百六十七

金月四月石雪

とこうこ こいう 文辭科比進士政事科比諸科 月五道事止各試一場户日五道如無習文解政人 使人才不成實原於此故令立學制分大小學 進羣應有司其藝稍中有司之格者十無二三 古者四十始仕令則成童以上皆得應舉故 之法自十九以下皆居小學二十以上其藝可 之門又為學之序木嘗分別大小往往躐等以 之子弟不務積學蓄德自稍有知己奔馳仕進 歷代名臣奏議 一德行科比制舉學行

弘定四月全書 辭也當官決事則所知義理莫知所以施為 得而任之就其素學而論盖欲明義理而習文 升大學者方升之大學始得應舉則童子必能 止於經義策論而已及其中選則百官之事皆 科以收人才令專以進士 安業所習有序不致有違越之心無幾成才可 得而取又或以德進或以事舉或以言楊未當 科取之自漢唐之盛雖未能方古亦數路 科取之其所試者 設

司考校之未無益朝廷育才用人之實若明立 無甚於此議更改科舉復用詩賦此特少濟有 使盖所養非所求所求非所用養才取人之失 上之人 取之非下有求而後予也故上有下賢 四科以龍人才則庶幾有得又古之仕者莫非 不知其徳之可任謂之能敷而不知其才之可 有辭命則所習之文不足以應用謂之賢數而 之美士無失已之恥今一切使之投牒自進

次足以車全書 人

歷代名臣奏議

三試法 委開封府及府界提點司在外委監司郡守審察 人才可當何等職事先令權攝管局或差委定奪 公事以識其才滿崴考定分為四等政迹可觀為 任也今欲悉命學官採擇然後州長吏召而試 則為士者輕為士者輕則雖有美才令徳不足 以異於市井臣僕非所以養士之康其本已喪 之少萬士風不為無補 試法者凡初入仕人 卷一百六十 薦未出官之類在京如初及第人奏

火定四車全馬 官下等者再試一任为等者勒令守選習學見 不給俸钱次任依此考定優劣遷降亦合守選次任依此考定優劣遷降 中等不遭改優便官下等如故为等降一資禄官學者皆滿三年方令再試一年雖係上等選一資 依所定等所任官差注所在官各分差法 於為等除为等且令守選習學外餘皆保明 郡守考定四等上等者注優便官中等者注合 上等職事粗舉為中等職事不廢為下等職事曠 任謂之試官於街中帶試字任滿如前法監司 歷代名臣奏議 其第 選習

四 辟 帥 則 同學 所辟者去官則從而 刐 尚書 此信 監司郡守縣令學官監局皆得舉 臣監司郡守 舉 辟 侍郎 學官許 竹 許 監 師日點 中舉職 則諫官御史 氡 監 削 司 及 ũ 官司 **}**: 待 郸 Ł 舉 非 曹信 省 豕 郎中 **海** 二員 炓 一員各 帥 員以自 中 郡 秘書博 御史 員 崱 内 郋 今司 官 辟 助 及 핡 監待 司 内 司 則 監 制 知

六考法 考法者先立所蒞職事主意所在以為責 任之詞如守令則曰政平訟理民足士勸恤因窮 有賞罰 止姦盜辨賦役之類如監司則曰察舉愆違而不 許監司指名指闕奏舉政迹在優劣等者舉主皆 皆云舉者籍其名有闕則擇而用之縣令及監局 一一時細長財足用而不涉掊克薦滯才舉廢事中 司舉係課利及萬者凡內官及監司郡守學官制以上舉外監局許凡內官及監司郡守學官 胜代名臣奏 議 Í

欠足口事亡皆

:

金グログなって 終 成就激厲風俗無使輸薄如此類例脩立百官殿 最之目而有司條格略立大法餘皆聽其自為歲 任許自陳改授他官 所责者皆在所點凡授官者如自度不足以當責 得伸有罪者不可茍免學官則曰長育人才必有 無告去積數之類獄官則曰必得情無久繁冤者 此四法於選官庶幾盡知蓋試法之立足以 區 一考則定其殿最而升點之雖無顯過但不如

試經義方欲酬對有司非能完達義理固本適 於實用如律義斷案但可粗施於法官然亦泥 文執法不可常行不若實試以事自見其才攜 是今之入仕亦有試法止於經義斷案而已所 僚佐足以深任其責舉法之立使在上者多知 不敢幸進無功者不可尚容住路之清無越於 人才緩急之用不患乏人考法之立使非才者 别能否不致多容濫進辟法之立使官長自擇

たらり草をち

歷代名臣奏議

金グロカイニ 雖 己近制復亦罷去大抵關防朋比私謁之弊然 格惟帥臣監司及朝廷專使許辟一二属官而 革其小害而失其大利非計之得也舉非其人 自漢唐以來像属皆官長辟除所以深責治劾 既立彈奏之法又孰敢以非才充選乎竊見朝 如果得其人雖舉子夫復何恤此法不行止可 欲得像更以為己助亦安肯多取不才之人 不能無請求私徇之意首朝廷責任之嚴人 起一百六 Ł

欠己の巨人的 所舉一官有關擇而用之以其人之殿最為舉 殊非用人之法莫若立法使各舉所知而籍之 多關少按其治行則舉職者寡而不職者象此 者之賞罰則濫進者寡矣令之選曹所患者員 備一旦之用緩急之際選擇不審則授任失當 乃全無考法責任不精之所致夫樂貴而惡賤 又命執政大臣及吏部更審訪其才應與不應 廷每有除授常患乏才此盖未嘗素求人物以 歷代名臣奏節

講修百度風夜求賢以康庶務始部侍從樂堪為諫官 監察御史上官均上奏曰臣聞為國之道莫急於任賢 銀灯四月百重 求賢之術必資於薦舉所薦既博則所得者多而四方 之英才皆為國家之用天下豈爱不治哉自陛下臨御 徽幸於龍禄矣無他責之以實之効也 樂富而惡貧人之情也如使居高位者責重居 有禄者有責無禄者無責則無才之人亦不敢 下位者責輕則才溝之人必不敢冀其萬位矣 卷一百六十

していしていたう 者各二人繼人語薦中外之臣以充監司之選詔命始 所同也自侍從以及外臺固朝廷一時之選然捐私尚 外臺薦公明廉幹才堪理劇者俾治多盗縣色其於求 之意中外翕然號為得人近又詔侍從兩省左右司內 公以薦賢報國為己任者未必皆然也方陛下臨御 下從官人人皆務蒐擇端方謹厚之士以副朝廷旁求 人相譽而忘其不善惡則相毀而忘其所可稱人情之 可謂博而詳矣然而爱憎好惡者天下之常情也好 歷代名臣奏議

康之舉未幾薦者牽於私徇多非其人遽詔寝罷議者 彈奏臣欲乞令後令章奏房及內外舉者奏狀到發限 惜之檢會元豐令受刺特舉官者奏記且以所舉官報 御史臺近來報者絕少臣等不盡聞之考薦不實無由 徇私之意作故攜則以情相望權勢則以力相軋薦舉 初人情未敢營私繆薦以取咎戾竊恐法久弊生背公 之人唯權與舊則公路塞而真才棄矣昔仁宗嘗興孝 日内關報本臺庶幾臣等得以盡知薦聚 非才職事

弘定四库全書

意自三代以來設官分職雖多寡不同然取人大要不 玓 **義畏法以妄薦為恥真才實行可坐而得而疎遠寒畯** 11. 隳 奏與本臺監司考核有實者從中書籍記顯加譴罰 上每歳以十科薦士兹見陛下博收羣才因能任官之 每人三萬不實者特刺學官不得參預如此則人人 之士無不用之歎庶幾并謀合智以成太平之治實非 補 又上奏曰臣寫見前日勅令太中大夫諫議待制以 櫥

次定四軍全書

胜代名臣奏議

;

[]

盡何則能治財賦者未必長於聽獄能聽獄者未必長 德行言語政事文學之選 固己兼取然論政事止於治 未必得人有傷士敗材之與不獨如是自比年以來郡 闕陛之法然至於劇郡大邑若止循資序不加選擇恐 遇或以德行言語政事文學而已令以十科取人其於 長人之官者守令是也令之守令雖有累歲月用薦舉 於斷讓能行三者未必寬信敏惠足以長人令之所謂 財賦聽獄訟斷請謝三事而己竊恐政事之目有所未

自り

卷一百

縣考課之法文具而不行未聞權一良守進一賢令以 聲動天下故郡縣之史亦務為碌碌細謹守縄墨治簿 書督租賦而已未聞諄諄慈良以治人為務盖自非豪 傑自信之士未有不待賞而後勸也若褒賞不加薦舉 不及天下守令長於理剧者豈復有亹亹樂進之心哉 臣欲乞於十科外更益以才堪治人能撥煩者别為一 之守令莫不勘矣守令勸則郡縣之政理天下之民被 科劇郡大色有闕因以除授如此則人無遺才而天下 火正四車全書 展代名臣太議

宣太宗明皇本當不放放選任以守令為急當是之 夫諫議待制以上每歳以十科薦士外更益以才堪治 朝廷之徳澤而太平之功立矣 政令之廢舉生民之休戚自漢及唐號為至治者如孝 拘又上奏曰臣昨於七月二十二日當具奏論太中大 人能撰煩者别為一科至令未蒙施行臣竊以為治天 在民而治民之親者實在守令之能否守令能否實係 下之道以民為本朝廷之政令法度加於四方者莫不 卷一百六十七 次定四車全書---而四方之守令莫不觀望而勸進故薦舉拔用不過數 為達官之薦使治劇郡大邑則才者樂於在上之見知 術未至耳與勸之術無他在大使貴臣為之而朝廷旌 安盖有由矣兹豈人材之不迨曩告耶由與勸選任之 用之而已彼天下之士大夫雖均為守令有以才見稱 之助也今天下列郡三百為縣千餘其守令治績章章 徳澤流暢遠近义安無疾苦愁嘆之聲者誠郡縣得 可稱者罕見其人則朝廷德澤之壅闊遠近民庶之未 歷代名日奏 議

十人而天下即縣之吏靡然鄉風矣不過數十年而天下 之良守賢令彬彬布於州邑遠近之民豈爱不治哉又 得預選彼寬厚明敏長於治人者獨不備數郡縣之吏 然彼薦舉之官恐有不稱之責且不敢妄薦則薦舉不 否至於政有寬猛獄有繁簡民有喜怒守令之能否較 那縣之政訟有聽斷聽斷有得失民有賦役賦役有當 必以為朝廷輕守令之選而不以民事為重也夫賞之 (非所患也令以十科薦士下至理財斷獄請獸皆

火迁口平台的 二 遺大畧本而詳末天下郡縣之史將且怠惰茍且不復 責天下之守令銳意於治民而奉朝廷之法令臣愚竊 被選至於寬厚明敏善於民事者獨不及之是取小 而 賦況其下者予今十科薦士下至理財職獄之細皆得 為要自非寬厚明敏學道爱人者鮮能及之盖春秋長 於治人由求孔門之高弟僅能军千室之色治千乘之 恐其木能也夫守令之職以爱養安治為本清心治己 則勸沮之則惰者人之常情也薦舉不及與勸不加而 胜代名臣奏議 ž

臣伏以國家取士之制人材之盛衰風俗之美怒繁馬 奏聞外有經明行修舉人 增薦條以備遺缺 發也願陛下詳覺臣之愚言若粗關治體不為無益乞 制其經義詩賦等科已與吏部尚書孫永等連狀詳定 中書舍人曾肇上奏曰臣奉詔詳議三省所定科舉條 **勸勵朝廷之徳澤志愿誰與宣而奉行數盖朝廷出** 一法實繫四方之觀聽百官之趨向不可不審其 項臣寫有愚見須至別

多父正正

4

大足四年 在野一人 舉經明行修之士中第之日稍優其禮則不獨取之以 名腾録校一日之長則不唯士失自重之誼且於課試 而已恐未稱所以命官薦舉優其恩典之意也竊觀三 言又本其行其意庶予近古然徒使舉之而不繇鄉里 之選又無考察之實與斯舉者隨眾投牒試於有司糊 而不本其行方之於古臣竊以為未也至於詔內外官 令設經義詩賦等科施之一時則可矣然皆取人以言 一際無以别異於東人則所謂本其行者亦徒為虚文 歷代名臣奏 議

金月口月石電 修謂宜别立一科稍做三代兩漢取士官人之法因今 等科木可盡廢然馴致先王之治亦宜有漸則經明 詩賦等科之上庶使學者知尊經術篤行誼人人勉於 代兩漢人材之盛風俗之美後世所以不能及者取士 之宜斟酌損益要之無失古意而已至於投牒乞試糊 以行不專以言故也今雖未能盡復古制故經義詩賦 自脩自 名腾録之類非古制者一切罷之待遇恩數盡居經義 一鄉推之以至一縣一縣推之以至一州一 州 **赵一百六十**

たことの事とは言 也夫左道亂聚色取仁而行違者固聖人之所深惡然 檢則有交通請謁之私臣以謂此殆論者之私憂過計 文而已也或謂以行取人則有浮偽矯許之弊盡去防 經義詩賦等科非以行誼進者人將恥為之不期於廢 而自廢矣如此則經明行修之舉有得士之實不為虚 推之以至一路一 知尊經術篤行誼以待上之求應上之用如是而人才 不感風俗不美未之有也人材既威風俗既美則所謂 路推之以至天下則四方之士其不 胜代名臣奏滿

情孰不好善朝廷誠能正心誠意進任正人明義利之 必有以察之試之於利害得丧之地則可見矣凡人之 考察之方公進退之法以任人之得失為舉者之賞罰 應上犯於士哉然則所謂浮偽矯許之弊非所憂也明 此為言者幸遇朝廷欲得經明行修之士故臣欲繇此 行之以信持之以久風俗日入於厚則交通請謁之私 分辨榮辱之境以示天下則雖豈豈之民莫不用情以 非所爱也三代兩漢之治去今遠矣然臣猶倦倦以

金万世后日言

长一百

其當 たらり草を食る 事臣已與孫永等所議外有制科 侍郎學士待制兩省御史臺官國子監長貳詳議科舉 樞客直學士王存上奏曰臣准尚書禮部牒准勅尚書 願記有司取三代兩漢之法見於今者祭時之宜裁定 望旺慈特加詳察如臣言萬一可採其設科舉士之制 迁其効雖遠然有志於古者恐不能以彼而易此也伏 而充之以至於復先王之制以成朝廷之美意其言雖 歷代名臣泰議 項云依舊制此為

制竹四四百量 未安臣竊見近世制科所試論策題目務出於僻隱難 並依舊制即不免襲前日之弊無補治道欲乞下有司 知是以應此科者競為記誦名數之學非所以稱方正 月戊申及七月乙卯詔書復置賢良方正能直言極諫 數之學至於取人多家推恩厚薄並乞裁定 重行詳定制科考格所取務先識畧不專責以記誦名 之舉先朝深知其弊遂行廢罷令議復置燻雾允降岩 二年吏部尚書蘇頌論制科取士疏曰臣伏觀今年四

求俊良樂聞謹論士之抱術略懷憤懑者當繼踵而赴 **鉛矣然臣竊觀本朝故事制科程式太嚴取人太窄自** 科並立定策入三等四等次推恩條制有以見陛下勤 真宗以來每舉中第者多不過三人少或一人至有全 策者百人而晁錯為上第武帝元光五年詔舉對策者 不放者使豪傑之士有老於科舉而不預甄雅恐非朝 火芝四草全書 一人 亦百人而公孫弘為第一歷代沿襲廢置不常至唐而 廷懿言求士之意臣謹按漢文二年始記舉賢良時對 胜代名臣奏品

七人四年崔元幹等一十七人十年裴垍等一十七人 處厚姜公輔牛僧孺元賴裝休草皆出此選卒為輔弼 中元年姜公輔等二十五人貞元元年常執誼等一 特盛每遇親策賢良等科中等者常不下一二十人 若蘇瓌蘇顋父子張說張九齡韓休裴垍楊綰崔羣韋 五人寶歷元年唐仲等一十九人太和二年裴休等二 **元和三年牛僧孺等一十五人長慶元年龐嚴等一** 二人自餘幽素將相等幾數十科取人亦衆其得士 一百六十 火足四軍全勢 與處分第五等即與處分由是言之程式盖不甚嚴而 内取文理俱優者方得解送上都本朝之制又加以六 推恩亦不甚厚至周顯德四年始記逐處州郡依貢舉 其推思等第則第三等中書門下超資與處分第四優 名臣此外奇才博識之士垂名于後者不可勝數信乎 制科親策可以牧欖英俊有補於治道也而當時應詔 人式例别試解送尚書吏部量試策論三道共三千字 人或命州郡薦舉或許上書自陳被名者徑赴御試 歷代名日奏話

教競習藝文而應此科者尤號該洽其程文縱非優長 為政必須優於專經之人不為無益於朝廷也臣竊 過厚故取人益艱沉國家承平日久天下學士陷染風 論題務求深與每舉轉加艱難致合格者少盖以推思 臣愚欲望將來或請應人稍多即乞優加分數如合 今來既立定策第推思有厚薄則所取亦宜稍加人 論或試於中書或試於祕閣合格方得赴御試其所試 **乔合上等亦皆於古今義理潛心有素若家米收施之** ノニート 一百六十七

たとり草をい 其害惟往年韓琦富弼等獨能裁減任子及展年磨勘 望聖世搜揚之路蒑有壅蔽之嗟矣 第二甲第三甲注官亦不為徼倖若恐更添入流之 見從來天下之患無過官冗人人能言其弊而不能去 此通融俱無所礙如此則四方特起之人咸有榮進之 即乞以進士諸科御試不合格人數留充制科數目彼 一年翰林學士朝奉郎知制語蘇軾等上奏曰臣等伏 一少即乞更加第五等分為上下入此等者只依進士 股代名臣奏品 姜

遠食貧到官之後求取漁利靡所不為而民病矣今日 議而琦等不顧既立成法天下肅然無一 發議之初士大夫相顧莫敢以身當之者以為必致誇 金ケセガイニ 榜乞為敷奏法外推思者不可勝數臣等一切不行無 添臣等自入貢院四方免解舉人投狀稱本来是龍飛 則私欲不可以勝公議故也流弊之極至於今日一官 之闕率四五人守之爭奪紛紜庶恥道盡中材小官闕)弊譬如羸病之人員千鈞之重縱未能分減豈忍更 巷一百六 人非之者何

奏不及臣等伏見恩榜得官之人布在州縣例皆垂者 知朝廷作何行遣不當先事建言但恐朝命已行即 名外各逓減一 聖古依逐舉體例下第舉人各以舉數特奏名已約 廷所放恩幾千人矣何曾見 别無進望惟務黷貨以為歸計貪冒不職十人而九 四百五十人今日又准尚書省劄子取前來聖吉特 不住有經朝省下狀蒙送下本院只是坐條告示近准 ついれ へいたう 舉人數若依此數則又添數百人雖未 胜代名臣奏訊 人能自奮勵有聞於時 į 朝

弘定四库全書 斷自聖意明勅大臣特奏名舉人只依近日聖吉指 害乃即位之初有此過舉謂之恩澤非臣所識也伏乞 吏户部以有限之財禄無用之人而所至州縣舉雁其 知今之議者不過謂即位之初宜廣恩澤茍以悅此僥 而殘民敗官者不可勝數以此知其無益有損不言可 理優長者即許出官其餘皆補文學長史之類不理選 倖無厭數百人者而不知吏部以有限之官待無窮之 · 語殿武考官精加考較量取一二十人委有學問 百六十七 詞

士自漢以來未之有改唐之進士雖試詩賦然有司奉 黍 近臣理難緘黙 たこり早かけ 求治道之體熈寧三年始改問策迄于元豐五賜策矣 行而已國朝開寶六年太祖始名進士親試於廷當時 四年御史中丞傅竟俞上奏曰臣等伏以天子親策貢 限免使積弊之 能改神宗皇帝以為非天子臨軒所以延見貢士詢 卿不知建明易以策問而唯詩賦之用因沿著令莫)極增重不已臣等非不知言出怨生既 歷代名臣奏献

例之可預造且章布草野之士備於家肆於學日夜講 金月巴尼石雪 說之道固所以待問於上也誠能攄其蘊蓄應問如響 財費之類皆今日急務不可以已而議者獨疑以為定 陳說充以無語無當於對問而弗加汰擇荒唐濫中依 **延者陛下遵先帝之舊親策進士所問吳異夷狄官冗** 諛希合以異為瑞之類而弗加糾絀皆考官之過非策 之訾也議者徒知對策之宿造預作不知解律之學亦 不失所對雖預備而買穿之何害於得士若夫知据极 卷一 百六十七

た三日早亡 約舊制量定分數取肯維落不得雷同入等如此則士 先帝故事試策合於古義於體為允其御試對策雖有 文采而於問義不相當若詞涉諛媚及文理疎淺者宜 備問尤詳也臣等以謂學校教諸生州郡發解禮部考 無濫中而考官不敢率意升降矣 **貢士令已悉用詩賦足審其辭所有御前進士宜一依** 有記誦編集之患知進士之能備問不知賢良茂材之 貼黄稱制策所問安有定制或古今政務或天下名 歷代名臣奏議

金为四月月 先人主有意於太平者當以養士為急古人謂士不素 殿中御史孫升上奏曰臣閗太平之基必在得賢大 功莫如薦士天下未嘗無材措紳之士如林而朝 宿造也 杜欽以經對六事繁自臨時取肯非跡遠所能 數疑難之 村之用為患大臣有志於天下者必以人材 預度不當偶以前日陰雪泉人所知而謂皆)類如漢董仲舒對符命性情文質之異 卷一百六十 廷 為 臣

養而欲求賢譬如不琢玉而求文米也祖宗置三館圖 懷難進自重之節知之匪易薦之甚難若僕僕然自當 書之府聚四海英俊之材優其禄賜異其資任武以內 之賢否而下及後世推此可考其人知識之淺深富弱 用大臣必俾之薦一二名士朝廷内外由是以知大 於權門惟恐其不售者雖得千百何補於國哉祖宗登 廊廟之用此實致太平之本也世固有知道不茍之士 外要劇之務觀其進退去就之節待其器業之成以為

とこううたいよう

胜代名日奏城

薦名士既觀今日之所舉可考平日之所存則濟濟多 專為持禄固位之計自待不厚則以薦士為媽恭惟 身死名滅為天下戮者敵賢之罪也蓋不以天下為 心 韓琦功在社稷名光後世者薦士之力也陳執中王珪 士不獨見於周也 患不以薦賢養士為急願陛下明記大臣各依近制首 先務美此舉寂寥今復已久為國者徒知人材乏用為 下臨御之初首韶大臣各薦異材以試館問可謂急所

制好四周全書

東一百六十

मी 哲宗時劉摯上言曰臣伏覩近制升朝官各舉進士經 事可任邊寄之類惟邊要任使隸樞客院餘則審官西 史進用字執不得預顧令兩省属官舉之非是遂寢前 選用之所隷属多規此立制 武臣薦舉立格有枚别職任而舉之者有緊名材武 年侍御史楊畏上言曰風憲之任人主寄耳目馬御 入之銓格者又其上則謀略膽勇可備統衆語練兵 班院按格注之其後雖時有更易而薦舉之所重

とこうられたまう

恐代名日奏議

舉官盖知人 謂法則善矣然使常朝官舉之不若使郡守以上舉之 明行修 竊原朝廷之意患程武考校徒得文詞故更立此制 令升朝官無贓罪若私罪重此外不計資任不察能否 進行實天下幸甚臣退而熟計及考學士大夫之議 便臣謹條上利害按國家舊制臣寮任通判知州乃得 調諸科刀筆之吏 人及升等推思理為舉主過犯同罪等事 人實難非行已慎関事久誠未可責以保 切得薦士此不可一也經彷

金分四屋有書

一百六十

勢利相市必有受赇搆訟以挠陛下之法者臣誠淺薄 舉臣恐流離之人虚偽見售此不可二也天下升朝官 淺問而可知也至於行義汙潔非鄉里库序庫居久處 とこう 巨 という 朝士固皆選擇可任使之人然入流不一 無幾矣人人升等推恩無以示勸此不可三也議者謂 無處幾二千人則所薦士亦如之積累歲月不被薦者 毀譽素著誰能知之今不拘路分但非有服親皆得奏 不敢億度朝士大夫以為必然亦不敢以為不然然 **歴代名日奏 議** 員品猥衆令

舉選之利未見而奔競之俗先成此不可四也傳曰十 吏奏舉經明行修進士 室之邑必有忠信計令天下之士 亦朝廷所倚以議論故臣願每遇科揚詔下委逐州長 必有善士考鄉里之行詢库序之論其勢親其事察無 轉運判官以上於本路在京臺諫以上於開封國子監 如州郡之吏至於監司則朝廷所任以按察臺諫侍 不満二百聽舉一名每二百人加一 一名仍以應舉實二百人為幸 人至三人止監司 郡 邑隨其衆寡

金分四月百量

章句破碎大道乃罷詩賦試以經義士儒一變皆至於 摯又建明貢舉條制其一口臣伏見國朝以來取士 設 各計奏舉一名非鄉貫及不經學校或無可應鉛並聽 肯臣愚以謂三代鄉舉之制未易遽復欲少放古則諸 科循用唐制進士所試詩賦論策行之百餘歲號為得 勿舉自餘升等推恩理舉主同罪犯等事並依元降朝 **使咸貢之法莫此為近伏望詳酌施行** (熙寧初神宗皇帝崇尚儒術訓發義理以新人才謂) `. t j 歷代名臣奏議

銀近四府全書 所自得者内足以美巳而外足以為政令之治經以應 科舉則與古異矣以陰陽性命為之說以泛濫荒誕為 道大取士以經可謂知本然古人治經無慕乎外故其 之辭專誦熙寧所頒新經字說而佐以莊列佛氏之書 不可詰之論爭相夸髙揚屋之問雖羣單百千而混用 律主司臨之珉玉朱紫因於眼感其中雖有真知聖 本指該通先儒舊說苟不合於所謂新經字說之學 切在所棄之而已至於蹈襲它人剽竊舊作主司 起一百六十七

矣詩賦之與經義要之其實皆曰取人以言而已也 出於所治一經 題雜出於六經諸子歴代史記故重複者寡經義之題 有聲律法度其是非工拙一披卷而盡得之也詩賦命 **義題往往相犯然則文章之體 貢舉之法於此其做** 枯其數預為義說左右逢之纔十餘年數勝之間所 賢與不肖正之與邪終不在詩賦經義之異取於詩 ,然亦莫可辨盖其無所統紀無所隠括非若詩賦之 7) ... 7 ... ; 一經之中可為題者舉子皆能類集裒 歷代名臣奏議

賦與經義兼用之進士第一場試經義第二場試詩賦 繁者大矣然則法不可以不改也臣愚欲乞試法復詩 賦不害其為賢取於經義不害其為邪自唐以來至於 今日名臣鉅人致君安民功業軒天地者磊落相望不 第三場試論第四場試策經義以觀其學詩賦以觀其 有易有難易故有利害有利害故去取或失其實而所 詩賦或取一經義無異道也但有司及言之法有難 二數而皆出於詩賦則詩賦亦何負於天下或取

銀定四库全書

表一百六十

大三口巨 白生 舉之敝而得其人亦使學者兼通他書稍至博治其 其於得人視古為盛近時之制遂罷此科臣竊以為 國朝沿襲故事於是置為賢良茂材科目隨貢舉召試 曰臣伏見漢唐之制因天見災異或政有關失則的 引用字解及釋典庶可以救文章之敞而適乎用華貢 名次其解經仍許通用先儒傳注或已之說而禁不得 文論以觀其識策以觀其材前三場為去留後三場為 及在位舉賢良文學之士天子親策以求其言至於 歷代名 臣奏議

欲乞復置賢良方正及茂材異等科每遇貢舉的近臣 故設制科以收超絕之才而每舉中等不過 金少世た人言 日 臣伏見近制明法舉人 依舊制舉試所以廣言路求人材繼祖宗之制也其 已令夫官人之法入流門户日益增多未有澄汰而 三年取 道得士欲廣故取之非 '新科明法登科者吏部將司法員闕先次差注在 二非常之人則廢其科不用此何謂也臣愚 一百 入武以律今刑統大義及斷案 塗謂常選不足以致異 Ł 於 而

宜 售制明法最為下科然其所試必有兼經雖不知其義 とうううしたう 止 刑書則意若止欲得淺陋刻害之人固滯深險之士 又所取之數比舊很多調擬之法失其次序臣以 所治理之所在也故惡有所懲而常不失忠恕之道 一士及第人之上臣竊以先王之治天下以禮義為本 有更張欲乞新科明法並加論語孝經大義登科 刑法所以助之者也唯君子用法必傅之以經術法 於誦數而先王之意猶在也令新科罷其兼經專於 歷代名臣奏

舉官開奏臣檢會元祐三年六月八日聖古左右司諫 到坑四戽全重 御史中丞蘇轍上疏曰臣近准物與孫升同舉監察御 左右正言殿中侍御史監察御史並用升朝官通判资 史二人尋准尚書省劄子以一員不曾實歷通判今 如賜開允即乞令年降詔並自元祐五年秋賦為始 叙實歷一年以上人舉官准此臣竊詳上條本為朝廷 法者稍不遠義而士之流品不失其分伏望聖慈裁酌 額裁減其半及注官之日並依科目資次所貴從事 巻一百六十七

亦素有清譽或為二聖所知至於吳安詩劉唐老此 惟前件三人惟司馬康故相光之子光被春任最深 意故得不依條法學臺官出於有司故不得接例邪竊 康三人皆未曾實歷遂再奏乞比附施行尋又家尚 除授而設後來朝廷所除諫官如吳安詩劉唐老 省劄子令依條別舉臣退復思念豈以除諫官皆出 (者何緣得被聖者若非大臣進擬或客有薦尊陛 司 聖 康 馬

臺官固執近法中外必以為疑伏乞檢會前奏早賜 所用百官亦多不應格豈固違法盖不得已也若獨 欽定四庫全書 於

何縁

知之竊謂本臺所舉亦合依例施行況朝廷前

且代名臣奏 i

轍 行 又上 疏 曰 臣 |頃權吏部尚書寫見京朝官以 上

音使

闕

堂除人亦有待關及一年以上者人情驚駭告所未見 少員多事不得已而待闕之人已不免咨怨近者復見 年 ソイ 上 関大小 使臣及選人皆使二年以 上 關 雖 關

盖 |祖宗朝堂除舊例皆見闕然後差除因事然後超擢

> 除既有限量故用關不至久遠近歲監司 1 猥 更握 人以 至 衍 溢 所握 未必勝舊徒使監 以上員數 司

新 闕額 所 至多 人 日增盖由干謁成風除授無法雖 不 足以應副来者而已至 於 知 州 稱以才推 ソス 下售 人未減 用其

政績未聞新故相代輕用堂除於此可見及諸寺丞例 及三年而选用陳該張淳陳元直三人率皆資望輕淺 實未免緣故至於待關久近所任開劇 之說只如 開封司録舊用歷知州人項自郭跋之後 泉口機評皆為

飲定四庫全書 老一百六十七 大日 大部

亦如此臣欲乞令後謹守祖宗故事凡堂除皆族

有

闙

譽顯著然後得差蓋用人之法要須員關相當未聞 方差且將見令堂除人輪環充補其新耀用者皆須功

後量關選才 添人謂之棍 理 無 才濟用者也如此數歲若見關 不 可庶使堂除官吏不復待闕 稍 多姚 與 四

選稍異亦姓勸之義 也

轍乞改舉臺官法劉子曰臣伏見唐制 中丞自舉及本朝舊法亦皆丞雜及两制舉人盖以 御史属官皆大

時復今本臺及两制舉官而終無一 並用陸朝官通判資序實歷一年以上人自是以來雖 とこし ラニシ・エラ 細 沈渝未見知賞然盖亦已少矣今法限取此人已傷哉 為朝廷擢用其餘碌碌無取難以復堪臺官雖或問 古自選人改官經兩任知縣一年通判若稍有才名多 元祐 三年六月八日 聖古指揮殿中侍御史監察御史 人主耳目之宫不欲令執政用其私人以防壅蔽近 而又緣此祖宗舉 臺攜法久廢不用而執政以意選 歷代名臣奏議 人應格可用何者

轍為右司諫又言科揚事状曰臣伏見尚書禮部會議 官然弊法尚存方人物衰少之時實患難以應法伏乞 監察御史所貴稍存祖宗故事不至執政自用臺官雖 檢臣前奏稍改近制令臺官得舉陞朝第二任知縣及 通判以上各半若謂知縣資淺乞依尚書侍郎例許權 用舊人之例遂以成風近日雖聖意開悟復令臣等舉 臣職在臺長臺市 方今君臣相信法度可畧而朝廷紀綱不可不思久遠 典章義當固守 卷一百六十

制公四月全書

科場 歲月無幾而議不時決傳聞四方學者知朝廷有此 大正口声 白生 易要之來年皆未可施行臣欲七先降指揮明言來年 次聲律用功不淺至於煎治它經誦讀講解尤不可 議無所適從不免惶惑遊亂盖縁詩賦雖號小技而 至今多日二議並未施行臣竊惟來年秋賦自今以 九經取士及令朝官以上保任舉人為經明行修之 如舊但所對經義熏取注疏及諸家議論或 歷代名臣奏議 ١Ł

科場欲復詩賦議上未決而左僕射司馬光上言乞以

定論一 彭汝礪上奏曰右臣項以不肖任中書舍人嘗論列 舉格式未為晚也 出已見不專用王氏之學仍罷律義令天下舉人知有 猶有存爲者如今所議盡廢矣竊緣詩賦科久不用學 經之人竭精罷力窮深極遠有至於皓首而偶遇不習 者實未之習令或以 詩賦之弊前後累經臣僚議論用四場通考六經雖組 一意為學以待選試然後徐議元祐五年以後科 八八一句可取即超疏並進而治 用

金发四月百量

一百六

奉律遂取屏廢不得與浮靡之士望分寸之禄此議者 諭 矣通經之士雖未能皆是然其口之所誦心之所懷皆 所以紛紜而有志之士或至於太息流涕而不知止也 屏棄而獨以無益之辭未成之文理超拔而尊寵之臣 臣竊以為聖人不為已甚令朝廷隆尚詩賦詩賦既尊 知所謂也臣以謂國家取士將欲得人才也經義策 可以得人才詩賦亦可以得人才何必紛紛為此異 以治心治身治國治天下而議者過計欲 切掃除

とこり早くます

歷代名日奏篇

動好四月全書 盡其蘊有知識者得竭其愿上無損國體下不失士心 義策論雖不善亦取之所以示朝廷以文詞為貴也經 貴也策在優等詩賦雖不及亦取之所以示朝廷以 論在優等詩賦雖不善亦取之所以示朝廷以儒術為 同也臣令起請且欲如元祐勅施行如詩賦在優等經 汝礪义上奏曰右臣伏念自井田之制壞學校之教 時務者為貴也如此則有文詞者得騁其辭有學者得 令開試日迫未敢深盡本未欲望聖慈特賜詳酌施行 百六十 知

之變微盡萬物之理其要則在人心而已古之君子所 法甲玩經文耗盡道真靡知所舍夫六經之說更伏樣 **充舜禹湯文武周公孔子數十聖人而後備大窮天地** 無有遠近貴賤小大莫不變易思慮奉承至教士既 用經術造士以革數百千載之弊中自京師外海四海 用賦極矣先皇帝受天明命悼道之鬱滯奮於獨斷 人且向方而議者獨病辭說之不工欲随隋唐之 鄉舉里選之法不行朝廷取士一切非古其與至於 弊

とこりいたかか

歷代名臣奏議

是時文章温厚號令爾雅最為近古其流至於東漢微 漢治亂厚薄推源可知詩賦不經可以無辯是猶滑稽 以治身所以治天下國家未有出不由户何莫由斯道 俳優之戲而已是猶問里嘔唱之辭而已而議者欲以 野良求經術以究當世得失公卿大夫以儒雅師吏事 也周衰典籍不用漢興始求遺書立博士置弟子員策 矣而餘風遺烈猶足以動當世士以節義自髙不為死 禍福屈折漢亡而存猶更數世自晉記唐又不能 !

多分四月分書

を一 月六十七

火江四百七十二 實以經術取人故人應之以義理其言辨而在道使 髙之以至於德行也如復用詩賦是所謂下喬木而 **幽谷也先皇帝聰明博文所以造士立政固非臣下** 而已昔者以詩賦取人故人應之以言與其文浮而 生夫斯人也其聪明智愿甘可以有為也惟上之所養 此教人欲以此取士欲以此致太平臣考之于心驗之 以德行亦將為德行矣姑罷詩賦從經術是將引而 人稽之於古合之於今反覆曲折終未見其可天之 歷代名臣奏議 4

宜 豈易於改負謗議於天下後世臣愚以謂今學校選舉 完或久有弊變而通之推而行之繼志述事實待性下 用臣淺陋信不足以單辭獨見哪衆人之所同好議朝 廷已行之法度必未能齊一伏乞下學士大夫詳議 加损益馬雖未能復古盖亦庶幾矣如詩賦決不當復 能窥测淺深髙下如罷詩賦孰不知其為甚幸法之未 否使臣得上下反覆庶幾是非好惡有所歸宿 用先帝故事因今經明行脩賢良方正之科而稍

今りの万人でも

欠正口戶企 貼黃臣伏自朝廷有復詩賦議論學士大夫知其 所以敗壞人材為甚臣以事所係者大故不敢 可者難遂施行比見指揮催督太學即用此考校 名聲列為章句引之以雕蟲篆刻無用之文其 不言尚庶幾捄止萬 一試用三題者朝廷亦不為罪乃知復詩賦 天下之所待者人材人材惟上之所養而 亂蘇與是繁風俗成壞盛衰是繫令制 歷代名日奏話

歴代名臣
歷代名臣泰議卷一百六十七

欽定四庫

歷代名臣奏議卷一百六十小

詳校官編修臣問 瓊 编 修長 議覆勘

總校官編修臣王燕緒

校對官助教臣汪錫魁 勝録監生臣范宜勘

沙定四草全 歷代名臣奏議 奏曰臣竊以今日任 封疆 為半刺兩任有 千里生聚萬衆 郡之中 撰 常 官

宗亦曾自擇刺史志其姓名於屏風而用之當時名臣 牧守之與紛緩至此甚可痛也告兩漢威時政平訟 清明百度講舉優勞元元以固邦本惟恐一夫不獲而 如馬周張九齡輩皆極言刺史不可輕任載在史冊及 言失其惠養者將半矣承流宣化又何望馬方令朝 生りてんとって 居安其業者皆循吏之効唐之貞觀開元號為善治 有二三暗塞不治又有一 龜鑑前日朝廷患監司不得其人乃站近臣舉用 卷一百六十 二舉天下億兆之衆十分而

Production ! **陶义上奏 日臣伏謂朝廷差除之法大别有三自兩府** 其次方差資序合入人庶幾牧守之職有以庇民循吏 名氏凡遇有闕先差有舉主者如資任未及即差權 序人内岚舉堪知州二人朝廷更加審察送吏部籍 棄民也臣伏請詔内外待制太中大夫已上於通判資 風無愧前古 下至侍從官悉禀聖肯然後除授此中書不敢專也 歷代名臣奏議

監司之選稍稍清矣至於郡守尤為親民略而未議是

堂除此吏部不敢預也自朝議大夫而下受常調差遣 者好歸吏部此中書不可侵也法度之設至詳至容 自 卸欠四五百言 六十餘處並歸中書取古選差之後除吏之弊私狗寝 收占吏部所用知州通判知縣并在京庫務寺監丞 因去年八月中執政申請以繁劇去處重法地分為 究其弊凡堂選奏舉之類並悉罷去以示大公之道 以防大臣之專恣革小人之僥倖也恭惟神宗在御深 卿监而下及已經進耀或寄禄至中散大夫者皆由 表一百六十 訶

トストーリラ ハチラ 差并元属八路指射外其存於吏部以待常調者數極 闕 即者皆非元係堂除去處而中書取以差也吏部差王 又奪而惠他人矣處州之胡宗質睦州之李孝廣滁州 多今天下州郡除别京大府并元係堂除處及取古選 可就則中書取而差他人矣或受 而員極多待次之士遠至二三 年近須一 知海州樂子元通判瀛州方蒙知咸平縣皆數月矣 知新光州之熊介均州之劉斐承州之吳潜此六 歷代名臣奏議 一闕而去則中書 歳或有

部 舉得替燕介係中散大大石麟之會任太常官皆非吏 中書乃以石麟之知海州胡及通判瀛州孫純知咸平 潜自為運判以刻剥苛細罷官皆非所謂才者而近 縣是皆奪而惠之也若謂胡宗質李孝廣陳知新自提 執政惟才是用則劉斐曾任知州以失入死罪責降 使之闕及奪他人之已受者與也若謂朝廷慎擇庶官 復並先除郡士論諠沸已謂不平然又有甚於此者 可差之人則當契勘堂除州郡而差不當取吏部見

金灰四库全書

表一百六十

とこうらしいか 盖 彈 州 得堂除孫純以受贓致罪止緣军相之妻族乃受畿邑 而皆奪他人之有而與之 一部王說罷省郎皆是朝廷顯責治墨未乾而中書 附會異居厚抬做害物得替歸部忽除省郎為人所 選授告命之出不述所因陸師淵與劉斐吳潜均是 胡及當為開封判官以不能檢慎去職總送吏部 限猶未造簿以弛慢衝替令則差知宿州且胡及送 乃罷其職令則差知客州陸師淵前知開封縣稅 胜代名臣奏議 胡及 孫純 衝樂子 街方蒙 亢 王說前知徐

尊而紀綱紊亂當此之時宜戒其漸也伏願聖慈將合 於此是陛下點之則執政升之陛下退之則執政進之 項去處定差其曾經擢用而非次差替罷或責降牽復 係堂除闕編為一等今後如有合得堂除之人只於前 天子之所得專法度者大臣之所當守今大臣進退產 怨歸於上而恩出於下非今日之所宜有也夫威福者 街替而師淵又得元係堂除大郡 留州私曲縱横莫甚 出己意盖不守法度而欲專威福矣臣恐朝廷

制好四库全書

卷一百六十

とこりえ ハチラ 學析者宜亦多矣然循以少為患者何耶盖內不足者 甚今日而任使之際欲求乎東德守義赴功稱職之人 則常患其少論者惑之夫十室之邑必有忠信況令承 刑部侍郎王觀上疏曰臣伏見吏部四選吏員之冗莫 平之久陳力就列者以數萬計其問藴道義員才能富 後與前項差遣並不得於吏部取闕差授及衛已授之 不送吏部者於合得堂除人之下别為一等依名次先 (所有元豐八年八月取古選差條貫乞賜刪改 歷代名臣奏議

陞 陟改官者徒以應格近歲十科之薦所薦既衆而朝 之豈易哉孔子曰舉爾所知雖使孔子為政而欲得賢 急於人知彼其賢廉既不汲汲於求知則朝廷之上 事夫人臣既以特肯薦士為寵而不敢忽又以其所主 素有才望其言可信者使特薦其所知一二人而試以 臣竊謂科格固不可廢若於科格之外間詔中外臣僚 才之多亦不過使在位之人各舉其所知而已今夫舉 廷難於必用其科遂輕而縉紳視以為空文其勢然也

到方四库全書

百六十八

してこう こここう 節文舉經明行修人委州縣當職官同狀保任申監司 **責庶幾人才之出也** 本 覿為右司諫時又上疏曰臣伏覩今年正月十七日 再加考察仍於發解前牒報本州與充本州解額臣竊 朝 觀其所為主者之能否而賞點之則應詔者孰不任 勸後進之士篤於學行也今若以州縣所舉之 解 廷設經明行修之 額則臣恐未足以勘學行而先有以敗風俗 歷代名臣奏議 "舉非徒欲以得其人而任使又 勅

多次四母全書 勢必有内懷忌疾而謗讟託訐無不為者矣如此則 中則後進之士視其鄉之經明行脩者其勢必須出力 而士之不能以庶退自重亦已久矣今天下州郡應舉 夫古之所謂士者莫不以廉退自重也自以科舉取士 者遂奪其解額則後進之士視其鄉之經明行脩者其 推薦而人人有君子長者之風矣使經明行脩而被舉 者甚多而解額至狹凡挾筴讀書而未免於干禄者莫 不有競進之心也使經明行脩而被舉者不在解額之 を一百六十八

恐未足以勘學行而先有以敗風俗也夫天下之風 伏望聖慈指揮於前項勅內改與充本州解額六字作 者之完人益少而經明行脩之舉不幾於廢乎盖必然 流薄 淳厚不同豈皆其天性哉 顧所以道之如何爾臣 理也臣故曰若以州縣所舉之人充本州解領則 貼黄臣無看詳前項動內逐路所舉各有人數惟 本州解額外解發庶可以久行而無弊也 及畿内恐是漏落不可謂王畿之内而無經明 行

たこり見ときう

歷代名匹奏議

盖臺諫所以司察大臣過失若出大臣則朋附之人至 金月四月全書 忠讜之路塞矣人主雖欲明目達聰虚心聽納嘉謀嘉 員召對便殿去取選任 **靓又上奏口臣竊以祖宗來臺諫闕一員站近臣薦二** 何緣而至哉近者監察御史闕二員命翰林學士御 脩之人也亦乞指揮添**>** 卷一百六十八 出上意執政大臣不得干預

史中丞共薦六人令聞所名者二人而已未審出於陸

下之意為復出宰執之意邪若出陛下之意則可然未

というう 考官及臣自守官以來累蒙差入試院對讀考校熟見 諫得人為多 君願陛下念兹在兹令後近臣奉詔薦舉臺諫官並須 復擬議此源既開臣恐其日臺諫皆出大臣之門而 畢 **召對親閱人才去取獨出聖斷庶使祖宗故事不廢臺** 應祖宗故事若出军軌進擬則權歸大臣朝政關失 孤立矣書曰惟辟作福惟辟作威傳曰慶賞刑威曰 仲游上言曰右臣今年三月准宣命入内充進士 \....j 歷代名臣奏試

者則指詩賦為雕刻無用而不思經義於取士其實 士大夫所論科舉之利害猶未有定說尚詩賦者則指 須史之暇得盡愚見今臣獲解府事待罪儒館而竊 議改科舉欲具奏陳而臣備員府僚事務繁併猝猝 長此所以更相不信而無定說也夫詩賦非經義之 何 經義為易習難考而不言詩賦之名早於經義尊經義 詩賦經義之利害固以未決而又匿其所短暴其 入科場文字頗知詩賦經義取士利害之實自朝 如 聞

多次四库全意

色一百

與讀聖人之經原理人之意而立其說則道之尊甲志 とこうらいよう 賦豈尊且遠者不足以濟務而早且近者反宜於世 道而不可以為科舉之用詩賦者今學也可以為科 盍亦要其本末終始而論之盖經術者古學也可以謀 於其間經義之行無二十年天下已有倦色而亟復 之遠近不待言而可明矣然詩賦之行幾五六百歲 易見也使舉子為聲病偶儷之文章以應有司之求 厭自隋唐以來髙才達識立功名有道藝者往往 歷代名臣奏 誠 耶 出

划好四月全書 納 盖言聖人之經幽深閱遠如天地之髙厚非可以小 可度則其覆物也淺美地俄而可測 ,春秋則雖舉隋唐以來詩賦豈能及四人之所治 經義之利害至此而見臣請明言之楊子曰天俄 且 四人於今日科舉之間則亦化為舉子之文章矣詩 用而不足以謀道今若使天下之士不為科樂而 孔子曰加我數年五十以學易可以無大過矣 如輔嗣之治易康成之治禮安國之治書杜預 百六十 則其載物也簿 道 而 治 如

とこりうという 者哉臣愚不知以經義為科舉者欲尊經術耶欲卑 盡春秋之肯意而熙寧元豐之進壬今年治經明年則 秋居太山者四十年始能貫穿自成一說人猶以為未 漢唐諸儒亦多抱經白首然後名家近世如孫復治 之應舉得第而已豈有正心誠意治經析謀聖人之 取 用以應舉調傳注之學不足決得失則益以新說新說 不足決得失則益以佛老之書至於分章析字旁引曲 以求合於有司聖人之經術遂但為卜利禄之具要 歷代名臣奏議 春

動垃四庫全書:-為舉子之所亂尚自若也士之有志者不害於科舉 於經則既以經術為卜利禄之具使求合於有司得失 析字旁引曲取者皆前在位者之所使令而不為何 **早之詩賦之學固無益於聖人之經而聖人之經術** 取以求合有司而為卜利禄之具則是欲尊經術而反 之愿交於目前臣恐後日在位者之所使有甚於前日 正心誠意治經謀道若日治經為佛老之學與分章 耶欲早經術固無此理然使舉子分章析字旁引曲 卷一百六十 不

經義之 者矣要之為術不善則已矣豈可逆知其無損此詩 為 言司馬光治春秋元祐之問經義皆班班傅會春秋以 寧元豐之間經義遂廢春秋! とこううくかう 則經義欲合王安石司馬光在位則經義欲合司馬光 失而已既問得失則不得不趣時所尚故王安石在 小者不可勝論臣請論其大者王安石不治春秋 說此可謂 |利害可得論者一也夫舉子之取名第止問 正心誠意治經謀道之人子於聖人之 歷代名臣奏議 一科而學者亦諱春秋 1 位 熈 得 賦

數 司 得失之慮既慮得失則不得不以經義取合於在位 到坑四库全書 有損乎有益乎雖然不可以責舉子也彼應舉 王安石在位而經義不合安石則有司不敢取 用然作圍丘象天賦則止賦園丘象天而已矣作 俗傷敗操行陵夷未必不由科舉之致故詩賦雖 十萬人而人 不 [在賦則止賦充舜性仁而已矣雖欲取合於在位 取而應舉則不若勿應而已矣天下應舉者無 人皆以經義尚合於在位以上 百六十 利禄 則必有 知 尭 慮 有 則

益以經義使為合豈嫌取合之少乎然科舉之體常以 合則為髙下而取合者必少故治平之前以策論合在 詩賦經義定去留策論定萬下彼於去留之間無以取 位 位者未有如熙寧之後以經義合在位者甚衆也此 **殩經義而用詩賦詩賦不可以取合若以策論合於在** 之人其路無由而取合固亦無益所以不為難臣者 經義之利害可得而論者二也夫取士之道古必有 則如之何臣應日以策論合於在位固所不幸而又 口三

大三日年1年11

胜代名臣奏議

能 賢否若曰求能則詩賦經義均不知人之能不能既賢 日之取士非敢必曰求賢亦非敢必曰求能特為科 正是求賢也是求能也如謂鄉舉里選未可猝行則今)鄉舉里選是也令朝廷若復鄉舉里選方得取士 可廢而立法耳若曰求賢則詩賦經義均不知人之 不 不便耳盖詩賦雖若無足為者而題目或出於經或 於史或出於諸子百家而習詩賦者必須涉獵九 可以科舉得則詩賦經義站問其為科舉之後便 經

金岁也是有書

E)

此自見於世者甚聚由是觀之詩賦雖若無用而其術 為書者不為詩為詩者不為易為易者不為禮為禮者 與既 罷詩賦之後專治經義者校之相去幾何而涉獵 則平而施於科舉偶得其術而便耳至於經義則 能使舉人粗知前言往行治亂得失而通於事是其名 汎觀必粗知前言往行治亂得失而聰明特起之士因 有經義試取舉人未罷詩賦之前策論之中所說經義 汎 觀子史知其節目精華始可從事而策論之中又自 不

大三日草之台

歷代名臣春議

常從舊日科舉之人則所謂前言往行治亂得失雖 也 待有司不出掌握舉可問者具在其中非所以廣學問 之下論題自見所出易於為文策則人人皆挾策括以 所共知者亦或不知至有謂賈山為賈誼以建武為武 有備遂可以得名第其勢不假留意於其他書史岩 不為春秋是知 雖多聞博識之士世自不乏而所治之書粗通策問 年號者由是觀之經義雖如近古而用經義應舉之 經而四經不知也雖有策論而科舉 非

金灯四

11

白量

fi

桁 義之名則尊而施之科舉偶非其術而不便耳而又自 とこつはとよう 隋唐以來萬才達識立功名有道藝者往往出於詩賦 詩賦經義之學不識當取施之科舉已見成効與知其 鄉舉里選如止為科舉不可廢而立法則異日設官分 人及昧於前言往行治亂得失始無以自見於世是 科似有成効今朝廷必欲做古以興賢能則請俟復 凡所與天下之治者必多由科舉而進非細事也 偶得者為之即當取施之科舉未見成効與知其 歷代名臣奏議 經 則

本 金好四 試官多用偏見而去取如此小小利害難以究述今 詩賦則唯校工拙有司無適莫之心經義則各尚專 倉猝之才經義則易為牢籠多是舉人在外所撰文字 詩賦所出之題取於諸書而無窮經義所問之目各從 也至於詩賦則有聲律而易見經義則是散文而難 之不便者為之即此詩賦經義之利害可得而論者三 理趣相關 經而有盡詩賦則題目百變必是自作之文經義則 月全書 可使他人之作詩賦則雖為預備足見舉 百六十八

義之利害均也岩以經義為可行則無事復詩賦岩以 とこうこ 於六經是經術也策問而及經肯是亦經術也豈必名 也詩賦以觀其詞米策論以觀其經術與時務論題 義為不可行則既復詩賦而又略存經義不過欲舉 策論雖非大義而策問論題或出於易或出於禮或 詞賦之外更知經耳雖然又非術也昔科舉之未變 大義則謂之經術不名為大義則不謂之經術盖背 雖復詩賦以取士而詩賦之上猶存經義是詩賦經 ---歷代名臣奏議 出

賦之外人治 意 專治而不敢出於五經之中 制定四库全書 **占而留意五經者取舍不同是誘之使淺驅之令狹 者不為易為易者不為禮為禮者不為春秋是亦知** 枥 五經 雖 於詩書或出於春秋無所不出則舉人亦無所 四經不知也雖有詩賦而舉人為詩賦留意與為 所以備有司者約矣則亦將為書者不為詩為 非純於經者而詩書禮易春秋必泛達也今既詩 一經而為大義則策問論題必須避舉 巷一百六十八 舉人知策問論題不出 不留 經

嘉祐之制則人無難矣盖明經近於經義而術與今日 待不能為詩賦之人所取之數與推恩薄厚少增損 經義利害不同取明經常少取進士常多則天下之應 **義雖復詩賦而有不能為者則願設嘉祐明經之科以** 人之經肯庶不為科舉之所亂若論今之舉子已習經 治經之人專復詩賦以取士則隋唐以來高才達識功 為今之策莫若專復詩賦以取士而不累於科舉以進 名道藝或可以兼至不累於科舉以進治經之人則聖

欠三日草 白野

歷代名臣奏載

ま

售政已廢而復之者戒其於暴名近古而改則民疑然 實則幾矣而名不及於經義令區區者徒見朝廷罷經 金好四屋有重 義復詩賦則以為好古而巳矣而不知經義之不可累 者也以經義取士實雖不至而名近於古以詩賦取 舉者將自化而為詩賦不以法制而漸復其舊術之善 孫復石介者置以為博士教官使傳道於諸生則今 以科舉也既罷之後當記天下求窮經謀道且如胡暖 之所尚纔得經術之正而無科舉之累道之美者也盖 H

たこの声とき 諸生雖理之所在亦以為不暴而釋民疑也惟惟之忠 賦之人而又記天下求窮經謀道不累科舉者使傳道 唯 則專復詩賦以取士設嘉祐明經之科以待不能為詩 朝廷裁擇 貼黃臣竊見朝廷平日舉事雖事體不大猶多循用 目前思慮之所能盡不若循用故常之為便也 故常慎於更改盖處更改之後恐有意外利害 以詩賦取士所從來達且以本朝言之如呂端李 胜代名臣奏議 非

以平日舉事慎於更改為意詩賦策論四事之中 難臆度恐誤朝廷久遠用人之計即乞更加審諦 細事 則今日所論詩賦經義皆是餘事勿恤可也若 與安社稷治天下者多出於昔日進士之科其為 科舉而已盖知異日亦將求柱石股肱於其間 敌常亦大矣然则凡令之所以論科舉者非止為 **流王旦魯宗道王曽韓琦之徒百十年之間几所** 也如度用經義決能取士過於詩賦之所

金好四月全書

所患苦然朝廷復詩賦又試大義者必以大義為 試詩賦不唯場第太多考校增冗兼舉人就試必 策今於詩賦之前先以大義一場因之至次日纔 揚詩賦至次日入論文字不多方可第三日却試 詩賦最難修習自非超異絕出之才作詩賦煎策 逮無自來科場逼試之時皆息力養銳入試第 論以從科舉未見其有餘力也令既為詩賦策論 而又於詩賦之前增大義一場深慮舉人力所不 시

次足四車全書 一个

歷代名臣奏議

除授多出於大臣去取不緣於理選切恐相為朋黨 妨嫌必須回避所以存大公之道立太平之基矣近來 以杜奸感祖宗以來選任臺諫官军執不得干預若有 ひん 殿 行之堂諫得以言之上下相維彼此相制以防私 中侍御史陳次升上奏曰臣竊以朝廷之事字執 術也與詩賦何異 止欲得名第皆借以為干利禄之具非真所謂 經 術之故但舉人習詩賦止欲得名第習大義亦 卷一百 **;**; 徇 得 經

史記印戶公告 李 為上論曰臣聞薦得其人則受賞薦非其人則被罰 言路得人消阿附之風開忠讀之路不勝幸甚 有 進獨罰而已則雖有真賢皆疑畏而不敢進之野秋 古之道也必有賞以勸之然後可使舉善必有罰以威 治體國家安危之機其要在此臣欲乞令後基諫官若 之然後可禁朋邪獨賞而已則競獵虛名真僥倖以自 比周敬人主之聰明為權臣之肘腋兹事最大實繫 除授罷去三省不得進擬悉出度東批降指揮所貴 胜代名臣奏議

戮 貢士之諸侯則至于加九錫不貢士之諸侯至于點 金灯四 何 罰 則 可 而易罰人之所喜國之所難也人之所惡國之所易也 於蕭何一言而爵通侯雕兜之於共工一 勸 則欲我舉而恩則各也沉無賞予苟可罰而必罰 則信也沉專用罰乎且古者進賢受上賞敬賢紫顯 以賞而賞之緩則人 必 沮之較者也夫人之情喜赏而惡罰國之格難 眉分書 相謂曰慎無舉賢徒多累耳賞則未必予人 ,必相謂曰慎無舉賢徒勞人 白六 言而放崇 阚 賞 而

しこうら しょう 退之未當恕之勿責則是聖人之於天下求賢之意深 被薦於四嶽即其昧於知人則宜若驩兜之放可也充 驩 門同科以是推之雖或有罰猶當恕之有賢而或進 訟方命其惡在外而易辨静言象恭其惡在心而難 爵地以是推之惟恐有賢而不進也竟求若采而啓明 以尭舜之聖猶且憂而畏之則放齊四嶽之過舉豈與 則置而不問舜則不復罪之何也蓋人實不易知而嚚 之 嚚 訟乃被薦於放齊尭求治洪水而伯鯀之方命 乃 歷代名臣奏議

幼近四库全書 施刑之意略故忠厚之化格於民心而天下無遺賢今 致天下之野以為吾用哉故有司妄測朝廷之意例以 罪不肖之意淺用賞之意多用罰之意簡願治之意詳 峻法以寡恩朝廷俾我薦舉之職者特循故事耳今又 進賢為未發有罪為本發有罪為有功無過進賢為有 之意嚴用賞之意簡施刑之意詳求治之意略如之何 也於薦舉之制疑若罪不肖之意深求賢之意淺用罰 過無功朝廷授我無陟之權者本以我為健吏耳不若 私一百六十八

實而又市之何哉借若甲為長更於此乙為長吏於彼 黨與彌縫倡和之人未當開拔 とこり自合語 道之士安能客悅以自無豈不欲得孤寒之士乎孤寒 人也甲乙自為施報也惟其自施報乃假手自舉其所 甲舉乙之所私然後乙舉甲之所私非有意於所舉 無賞而有罰故雖有薦舉之名而無薦舉之實非徒)士其誰憐如而為援故凡所充舉類皆肉食者締交 非謂市之歟夫薦舉之意豈不欲得有道之士乎有 歷代名臣奏議 一帶淹程一豪傑真可

卸好四月有量 臣以其所為主者不待臣言而後喻也為今之計莫若 用者如是欲犀賢連如而升有是理乎陛下聰明灼 以孜裔烏盖今天下之長吏凡所擿發者必鋪陳其 沮之道人皆信之然後使凡薦舉者必如擿發之詳得 已其所薦舉者則含糊其言假借其實文具而已未當 詔大臣議復薦賢之賞使天下無咎恩之議庶幾 正如别白黑則古之人所謂達視其所舉又曰觀近 **聞于上曰某人嘗為某事可以抵罪期必抵罪而後** 百六十八 知

賞者旌薦之人無忘其功則其德厚矣彼周行而封列 幾十次矣尚使薦舉之奏如摘發之奏則下臣之善安 使自諸侯而加九錫固不可指以為格願視其舉者之 有不聞達者朝廷聞而用之後更器使踐華要必使自 言曰非某所薦安能至此陳平封侯而魏無知因以受 幹才當於某處生財幾十萬某有機略當於某處轉 任使而後已雖然固亦有鋪陳以聞上者必曰某人有 鋪陳其事以聞于上曰某人當為某事可以任使期 歷代名臣奏議

次定四車全書

....

有 置而勿恤嗚呼是朝廷許其散賢矣故坐席未温已舉 髙甲量為舉主之酬與可也以令之法所舉之人 令舉主以所舉 酬與又何嶄馬臣又竊以一 也至于薦舉奚獨不然豈使員足矣爾後雖有可舉 郡之内文武僚宋不啻百人而部刺史所舉之法歲 私所私皆軍餘見真可舉者則謂之曰非不知君 二三而許之趙發者則無員數謂凡可趙發者必趙 則凡為舉主者坐之至有削品秩上即緩不少貸 郡論之夫 陷

卷一百六十

或飲食玩好以豢其親信或姑息俯個以媚其僕御或 彀中而謬舉矣願詔長吏以阿大夫之所以烹即墨-為恩下吏以犇競為俗或賣交以進已或賂人以借譽 天誓心曽不以為媤自非宣哲見幾之士未有不墮其 何舉之人數已足矣臣願陛下既下薦賢之賞乃詔天 下長吏見可舉者舉之不必限之以數或無可舉則已)又不必充數則庶幾無憾馬古昔建令長吏以薦舉 詞以足恭或面柔以求悅吃癰舐痔曾不以為羞指

た 三 日 巨 に い う

歷代名臣奏議

議之以為可舉也然後舉之可點也然後點之則無僭 行能可點者書其可點之過惡揭於公堂使吏民得以 以被薦多寡為差況朝廷必使真得其賢則又何多矣 多吏部病其難選也臣願以四科第之行同能偶也 無濫臣之說無遺處矣然亦不可不防者天下被薦或 則 夫之所以封者為之龜鑑勿妄許人以為 國士也必 欲 公舉則使下吏明具功過於考績之書無崇虚文歳終 取諸考課之書稍放而優劣之可舉者書其可舉之

金欠四月百十

或多賢而多薦之無憚其勞此太平之光也 重用之之道非深計也委人以權而不容舉其所知非 選才薦能而曰踏逐非雅名也必當擇用之之地而不 差之格踏逐者陰用舉官之實而明削同罪非善法也 於上下相應則易成此諸府之辟召聲司之表舉所以 可以見人才中材患之於是不得已而有踏逐奏差申 不可廢也自辟舉之法罷而用選格可以見功過而不 王巖叟上言曰臣竊以人得於表裏不疑則可任事出

して しりき しょう

胜代名臣奏議

多定四月全書 至於成器而後可施楩楠豫章皆良翰也長之養之 校書郎李昭邘進策曰璆琳琅玕皆美質也彫之琢之 通術也臣伙願聖慈特賜指揮復內官司舉官法以暢 能使人必至於成人固有街馬謹學校以教之而已先 其性以至於成人然後可以治人未能成人也雖公綽 於成材而後可用人受天地之中以生性無不善也充 公議 不欲再求之藝聖人猶不取者禮樂不足故也先王 卷一百六十八

とこし!! こよう 禮義則歸之庶人此所以責人之必成俟人之必至也 盡人道然後可以治人事故入使長之出使治之者還 師 自 士大夫雖卿士大夫之子孫不能積問學正身行属於 王之學皆所以明人倫也能明人倫然後可以盡人道 離經辨志至於敬業樂奉自敬業樂庫至於博習 自博習親師至於論學取友自論學取友至於知類 雖庶人之子孫積問學正身行属於禮義則歸之 同民之善而已方其教之也或三歲實興或終身不 歷代名臣奏話

盖聽其言觀其行非一日之察也故士知學之可樂不 物未能強立則仁不足以守身先王責人必至於如此 去就之義猶不保其往也升於鄉則升於司徒升於司 然後爵位定然後禄先王之取人必至於如此之久者 徒則升於學升於學則升於司馬由秀而選由選而俊 通達疆立而不反謂之大成未能通達則知不足以應 由俊而造由造而進不躐等不陵節論定然後官任官 詳者盖人之行已也自非四十而不感則是非之 理

到坑四库全書

起一日六十

沙定 少車全書 學者震盛異端日滋六經之說人自獻於其君而操以 帝開設學校增置博士廣弟子員射策決科勘以官禄 發古人精 微之蘊祛百年陳腐之說道德之義性命 為禽犢性命之理丧於破道之言聖賢之迹滅於浮名 之行利禄使然也陛下當品師儒開廣學校修正經義 之則有成効三代所以成王業者此道素行也自漢武 歷代名臣奏議

僕天命人人安於為學而樂於循理考之則有成德任

知學之可已知仕之可欲不知仕之可求進取退捨以

金りプロ **發於天縱萬幾之暇周覽墳籍始稽之以驗物又操之** 躋時於三代之隆凡試言博士上書公車者躬自考 竅 以決事天人之道帝王之業固己自得於成心矣問 於教人可謂至矣陛下聰明淵懿出於德性問學智慮 天地之純古人之大體不渦於支離蹇淺之弊而又慎 理著見簡策使天下學者一其祈嚮會其歸宿足以見 臣專意學校慨然思得豪傑之士與之都俞經畫以 一講官開析餘義使疑斯明室斯通虚而往實而歸 アノニー 卷一百 諭

或 能勝其禄利之心故也夫軒冕在前幸褐在後雖子夏 而承學之士經術未甚明徳行未甚厚志意不修風義 心於聖人之道而成士君子之器令之學者弊在利禄 之未能信孔子說盖有志於學無志於住然後可以盡 不能忘交戰之患利動其心故也子張學干禄孔子告 不肅未足以應陛下寤寐虚己之求以其好學之志不 以言寡尤行寡悔禄在其中矣使漆雕開仕曰吾斯 雅之以高第或官之以不次其於好士可謂為矣然

一たこりはとかう

歷代名臣奏派

生於今而幸見者也然而有論然後能議有議然後 皆出於師儒致一之論刻革俗學發明至順盖天為 道治人事者不外吾所性而已故春焚六經殺學士聖 之言非如天地之髙遠非如思神之不測凡所以明 明徳行未甚厚志意不修風義不肅良以此也夫聖 人之言鬱而復明者性之在人不可滅故也今之經 下生其人人為陛下駕其說此士之去聖人千載之 欲速其為道也的於日月至馬而已矣故經術未甚 基一百六十八

動好四月全重

とううし シャー 梓人為鐻者其技甚賤然猶三日而不敢懷慶賞爵禄 其適得人之得而不自得其得由是思索不精爾告有 萬理之變可以坐觀可以意得必曰思之而已思之所 五日而不敢懷非譽乃拙者致其精也乃若萬物之理 辨見近而不及遠聞一而不知二適人之適而不自適 不足動也陛下欲取士得人莫若待其教養之久抑 入與神為 取之速使人盡心致志深造而自得然後數奏以言 | 非神之使然也精之至也茍能如此利禄 服代名臣奏議

制定四库全書 賦為去留其餘數場只以品定髙下所有以四場工拙 士武卷其習經術者以經術為去留其無詞賦者以詞 額昌教授鄒浩上疏曰臣愚伏觀近降貢舉勅凡考進 不行士之所務猶在言而不在實沉既行乎臣見天 之法掃蕩不行而後世所以取天下之士 通定去留髙下指揮更不施行臣竊惑之自先王賔興 明試以功庶幾作人與古無愧矣 已德行道藝不復誰何以迄于今莫之能改就令此法 一以空言而

務其所知者不必雜然並習如前日之擾擾 J. 17:4 亦無所不讀令也專以其科之所主者為去留則士 何 方其犀居欲無所不工則亦無所不知欲無所不知 四揚故習經術者不敢忽策論習詞賦者不敢忽大義 取舍 士不惟有愧於其實又將有愧於其言矣何則法 利 故尚經術者斥詞賦尚詞賦者斥經術尚策論者 不勝其害其弊必至於此何謂利两科之試各以 1. 4.1 係有司而有司之好惡又各係其所習之 歷代名臣奏議 利也 则 如

而 到好此库全書 後工於義惟知子史然後工於策論至於詞賦則往往 執偏見以自勝負勢有不可二利也何謂害惟知經然 導之臣知天下之士自是以六經子史為棄物矣盖士 有司固莫之能辨也且以學校两科取士初無輕重然 裒諸家之集纂六帖之類左攘右竊以速名第而一 并二者斥之交相毁譽迄無定論而士之取中直以幸 不幸爾今也嚴之以法使有適從則有司雖欲奮私意 不以經術應詔者已十有八九令也重以去留之法 在一百八十 時

とこうほこと 寧以來天下州學始命教官誠有意於以義理養天下 安能勝其所習然則所置學校徒為虚器所命教官徒 教之則廢中人也而中人之才滿天下令也使之一 有二不待教者上智也不足教者下愚也教之則成不 之才者也令一 振二害也國家自慶歷以來天下州縣遍置學校自熙 於不該不徧之習則是天下之士將淪胥以廢而莫之 所急者在去留而萬下非所恤故也一害也士之品 以去留摇荡其心雖力以義理强之亦 歷代名臣奏議 7

供奉論領功徳而已而乃養之不以其道用之不以其 實誰恃以成天下之務哉四害也臣愚伏觀陛下南嚮 非 自輔弼之大臣下追州縣之小吏皆佐陛下行道者也 耗廪禄顧欲化民成俗如古盛時不亦難乎三害也上 急之務者甲以為可乙以為否五六年間不知幾變 以來以天地之德亭育萬物以日月之光別白萬微 陟 羣臣因革政令斟酌人心若合符 節至取士之法 最 故其若司馬相如枚乘沈佺期宋之問之属以文詞

制好四库全書

なー 白ナナハ

也萬一 たこり言とかう 法為善胡不盡罷科場之文只以經術詞賦試之然而 日設教於本其弊且末設教於末其樂若何又曰為 失其實其失猶在也夫舉事有名而無實非朝廷之美 不為者臣知建言之臣慮失天下之士不知有其名而 又變馬鲁未足以厭天下之望臣切惜之陛下誠以其 人者謹其所好惡而已矣君好之則臣為之上行之則 從之偏於去留不可謂本已著之令不可謂非所 | 所舉或有與是比者無乃重為聖政之累乎傳 歷代名臣奏議

動分四周全書 無輔弼左右未嘗無侍從諸路未當無監司州縣未當 陛下少察臣之二利四害則得失判矣且四害之中 無守令凡中外之百執事亦未當不備其待選次去來 日之人才果有餘耶果不足耶以為不足則嚴廊未當 人才不振無以成天下之務尤為所當應者陛下視今 否惟其實而不汲引親舊不遺棄疏逃以誤陛下器使 部者又當倍從見任之數以為有餘則自任以天 重輔導陛下與二帝三王比隆爭治者幾人進退賢 巷一百六十八

宣的係物課農桑使民各安其所而不飲泣於猾胥點 者幾人民貧所當富也則曰水旱如之何官冗所當澄 更之手者幾人風夜修職不敢茍且真指擿之不吾及 所部而不結權貴以植私不惜孤寒以示公者終人承 大體而不承風古以自媒者幾人持舉刺之權以肅清 者幾人正色昌言列百官之功罪論庶事之得失務存 次近四車全書 國用所當裕也則曰治世恥言利風俗所當厚也則曰 則曰人情不可擾人物所當求也則曰從古不乏才 胜代名臣奏講 季

•

副 縷 度固不規規然察臣之私然視朝之餘省奏報聽講 如慮其子孫者衆也陛下端拱 切於時變邊備所當嚴也則日在德不在兵其他觀 服 羲 臣不暇悉知要之為國謀不如謀其身為百姓慮不 朝廷承庸之意況不知所以養之耶董仲舒曰不素 就之際若無以易其操者一日用馬猶或幡然無以 亦當念其所以然之故乎此不明義理之驗也夫 理養天下之士士方平時師聖賢談道德其取 起一日六十 堂之上方以覆載為 舍 請

次定四車全書 人 考臣之區區實在於此臣寒鄉一 幾經術策論之試不為虚名而士亦知陛下所以期之 養士而求賢才猶不琢玉而求文米臣當以為知言臣 毁明堂者非為明堂也為王者之政也儀羊不去則告 甚厚相與精白以承休徳而人才有餘豈甚難哉孔子 願陛下記有司追用舊物以四場工批定去留高下庶 朔 不欲去餼羊者非為餼羊也為告朔之禮也孟子不欲 之禮猶可以意推明堂不毀則王者之政猶可以迹 股代名臣奏議 鄙人也生長和氣之

藝事以諫之義用敢因職事所及輕犯天威冒獻藝 天地輝光日新者也今使學者不學純粹温厚輝光六 惟陛下采其一得而放其萬死則天下幸甚 後能文臣以為不然夫六經之文可謂純粹温厚經緯 是不當用王安石之學使後生習為一律不復窮完聖 朱光庭上言曰臣竊以聖朝用經術取士冠越前代止 人之藴此為失矣若謂學經術不能為文須學詩賦而 沐浴仁厚之澤備員學校為日久矣重念古者工執 起一百六十八

歸義理之文條列于左 朝之美事臣巳上封事論列令再以經術取士之法約 經之文而反學雕蟲篆刻童子之枝豈不陋哉甚非聖 通文米粗者為次義理不通雖有虚文不合格 第一場試諸經大義六道乞令每人各治二經每 聖人之意則先具注疏所以違之之說然後斷以 已見及諸家之說以義理通文米優者為上義理 經各試大義三道仍須先本注疏之說或注疏違

たいりはたいかり

歷代名臣奏議

金分四月百量 專用王安石之鑿說各以已見諸家之說窮聖人之蘊 右臣之所陳欲令天下學者不失宗經知根本之學不 第二場試論語孟子大義四道論孟各兩道考試 第四場試策三道内两道乞問歷代史一道時務 第三場試論一道乞於首子楊子文中子韓吏部 省試五道三道乞問歷代史兩道問時務 文中出題 之法與經同義 卷一百六十八

1. 1. 1. 1. 1. L. 1. 已夫高爵厚禄人之所欲得而陛下之所有也一介 何嘗盡知此意其朝夕趨走大臣之門者僅志於得而 必得遠業大器以為社稷無窮之計士大夫蒙識雅 自親政以來凡握士皆不以次用人之速古所未有將 徽宗大觀二年翰林學士葉夢得上奏曰臣伏以陛下 言也伏望聖慈察臣管見如或可採特賜主張施行 履之為 事業發之為文章下之所以脩身見於世上之 以斂材置之用皆不失道此臣所以區區為朝廷力 歷代名臣奏話

黨者勝也朋黨之患世熟無之而近日為尤甚者其原 槩 取貴顯又況阿附趨佐别以智巧得之一居要位非 自 本於重內而輕外且令自外名入者尚有寸長計日 雖常為宰相執政者亦然夫以內為禁進之運則 則不去而居外任者非被罪廢點則孤寒無援 認以為已物爭奪傾覆唯恐其失視國家事魯不 **崛起畎畝陛下不爱所有而與之人人皆得所欲** 於心陛下不負產臣而羣臣負陛下者如此好為 譴 可 朋 反

多片四月全書

16一百六十

時宰相罷歸班或補外未幾皆復名用中世以後乃各 自爱則亦何必捨彼而趨此謂之朋黨非大奸邪勢亦 不得不自離今欲救之其先於此然臣既為此言不 不慕居内不畏處外內外去來各適其志士大夫茍知 不以身先衆人願乞為郡 免於外者人誰不避此所以根株連結卒不可破祖宗 可 節報崇職至於執政從官更出选入未當有間夫使 以安于内者人誰不營以外為譴點之所則茍可

たこの見た時

歷代名臣奏議

者積界歲月速不下十年須程文号馬數在優等又其 升補之法皆出宸斷士之游於斯者以程文觀其器識 武備自熙寧中特建西學招來庫材訓以武志凡考選 三人其教之如此其備養之如此其人擇之如此其精 以弓馬閱其藝能以規式察其行義其自上舍免省 行義可稱乃為應格雖應免省試格又從上共不得 **想神宗皇帝聖談淵遠思患豫防雖天下治安不忘** 觀中侍讀無議禮武選詳議官慕容彦逢上奏日臣

金月口月 台章

たしりきとう 經學究科特設新科明法優為恩例至黃甲擬官伊 武武舉進士唱名內該上舎免省試以上恩例者命 進士注諸州司法盖將以變革舊習故其初不得不然 政審其人材稍加獎權庶幾學者嚮風問不激勸因以 政和中彦遙知貢舉上奏曰臣伏見神宗皇帝既奏 作成其材上稱任使 進 拔缺然不聞甚木副建學造士之意伏望聖慈因 歷代名臣奏議 ŧ 明

逮

·其授官歷任與夫取

日之長者無甚輕重其非

學而後授之也朝廷取士患不得實材果得實材何施 書未必晓其義若以進士素不習法難以輕授司法職 而不可伏望聖慈特降唇肯将來吏部注新賜及第 闕哀同從上差注元符三年十二月中因省部勘當遂 罷給聖指揮更不施行臣契勘新科明法等人徒誦其 消八九矣恩例之優宜亦少損乃以司法及其餘判 任則其餘判司等官或以治獄或以聽訟亦未當待其 聖四年朝議以此法行之既久告人之為新科者十 卷一百六十 司

建好四届全量

しこうえ 士雖有數路唯進士一科最為清選每三年一站天下 出今宗源通道家者流雖以程文雅為上舍實應前 庭賜第錫服而官使之與時為名臣磊落相望皆由此 宣和中監察御史許景衡上奏曰臣伏親瓊墨郎黄宗 源奏乞與文士衮同殿武已降指揮者臣竊惟國家取 之士試于有司比至春官奏名來上然後陛下親策于 所貴德澤均被上稱陛下造士之意 士出身等人並依紹聖四年四月二十三日指揮施行 .. t... 胜代名臣奏議 Ð

盖道家以清虛澹泊為宗以無為寡欲為教宜其孙髙 徽祭利則非所謂不見可欲使心不亂者也亦何取 卸汽匹厚全書 自持不與世接今若使之操脈試藝競科甲之髙下以 殿武之有哉沉進士之所學而陛下之所策者乃當世 道學之格耳今既罷道學則與其科目併廢之矣尚何 知所服何服既中科目則又不知所賜者何服即若)務禮樂刑政治天下國家之大方非宗源之所習也 孙高絕俗者乎且為黄冠師而與多士同題大庭 もしないナハ 其 不

意也孔子曰必也正名子臣觀陛下稽古建極親御翰 易之同人曰君子以類族辨物夫以宗源之藝業一旦 士森列而衣冠獨異實駭衆目必有竊笑於班綴者矣 法也今獨以進士科目雜以道家流故議者紛然以為 墨是正百度復公少军相之官易武選之稱辨內省六 **鲰與進士同科縣名桂籍而叙同年似非以類辨物之** 以進士之袍笏則非道官所應服也若止於羽衣則命 ノ・ 丁ラ ノ・・う 司之職立命婦八等之封名實相當典章一 **胆代名臣奏議** 新誠萬世

徽宗時陳次升上奏曰臣恭惟神宗皇帝待大臣有禮 罷 授徳音漢發三省奉行而已及寺監丞而下一 相與以誠至於進用人材選推士類其權必常在己 不輕付與自監司以上光闕 稱陛 其選者數人 ·其黄宗源許令殿試指揮伏乞痻明詳酌特賜寢 下前日制作之意而臣區區之愚亦竊為朝 取自聖擇若未當聖意則廢古别行 員宰執具人才資任 一切付 Пo 除 廷

一切定四库全重

百六十

專在乎上差除至公人無問言寒俊之士激昂自奮得 滯之嘆除目一下士論沸騰此弊不可不革也伏望聖 州郡員闕多歸於堂除大公至正之道军聞私謁奔競 吏部用選格差注如有不當基察彈治當是之時成福 J. 19:51 / 1-慈紹述神考之志監司已上差除並取聖擇寺監丞而 進擬指定一名除授去取不出理意至於寺監丞而 人為多自後宰執欲任自己之私專竊威福之柄若有 風沒熾攀附军執者有進握之速特立自守者有留 **脱代名臣奏 議**

分定匹库全書 開私調介就之風息實社稷無窮之福也 司省郎府推判官大藩知州已上係朝廷選差自寺監 次升又上奏曰臣伏親先帝修立官制允釐百工除監 丞而下以至州縣差除一 其等差有注授優便者必以功能進而不為勢要得已 授命者必可之官不為堂除易孤寒之士不附麗之人 緣此皆得以自畬差除一出於至公而不緣於私徇元 切付之吏部用選格差注如此則大公至正之道 各一百六十八 切付之吏部又有選格次第

官改易甚為狼狽當是之時被命公朝拜謝私庭其職 闕其有已授命之人待睹有及一二年又為堂除別差 枯以來執政大臣欲擅國權紊亂官制自寺監丞以至 丞而下一如元豐官制之初不係堂差州縣差注朝廷 以成先帝之良法美意也伏望暒慈特降指揮自寺 日朝廷修復先帝政事差除尚乃因循前日之弊未足 任之美者無寒門悉歸於勢要縉紳咸有不均之數令 主簿既出堂除吏部注授州縣員闕職位义為朝廷 監

60 10 191 1. kuj

歷代名臣奏議

格 官制則制禄髙下必以昔日為准故省郎而上出於堂 畫官制之初必先會計昔日官吏俸給所費幾何既行 丞而下既係朝廷注授皆給全俸所支既多國用益匮 除則支全俸寺監丞而下付於吏部則支折俸今寺監 惟神宗皇帝立事必有法立法必有意非茍然而已經 次升又上奏曰臣近論列乞寺監丞而下除授依官制 不取關庶使功能不遺於寒微職任不移於權要 切付之吏部以選格差注至今不蒙施行者臣竊

多好四月全書

京師財賦窘乏其亦以此侵耗之 朝廷惟欲增重其權柄而已其為官擇人誠未見其實 士各得以自奮吏部員關既當則人人無留滯之嘆至 此而已盖籽以分字執之權推奔競之風而使寒俊之 部以存官制良法 左司諫江公望上跳曰庶非士之髙行也衆人好汙而 也伏望聖慈特降靡古令寺監丞而下差注 公之道由是開矣今三省曾不以是為意其員關收歸 歷代名 臣奏節 端況立法非特如 Ŧ 切送吏

姓 銀完四月 **廉有時而為髙退非士之清節也泉人好騖而退有時** 次除目內外紛騖門牆如市袖書自媒背語相刺甘言 十年當所見聞於住宦不言財利不私貨縣不侵亟 好而好之哪衆所惡而惡之好惡不出於在位之私而 而為清人君砥礪名教敦厚風俗豈有他塗哉狂聚所 之弊清議歸上厚德在下矣臣在鄉曲及出試更行三 以在位為之媒故天下翕然觀化而無東漢激揚提 百無一二馬監司郡守有嚴薦常員三省樞客有不 全世 卷一百六十 Đ

してししら しょう 廡 保任終身以備選擢所舉或謬不以自首原免一人為 謝事者學行卓然可觀尤於廣退為多若應退不足而 解 雕丧風俗薄惡干分犯義虧名敗教有至於此今日天 **設語日陳于前贵公心知其非亦重於謝絕既退騖立** 文米勝者不在選馬許侍從臺省監司各薦所知一 所當先應者也然由士類污染當以士類院濯是猶 酲必以酒也欲望朝廷應中外任仕及未該引年自 下折腰仍首呈露肺肝盱盱睢睢為可憐之態士節 歷代名臣奏議

遣使之詩而曰周爰咨郎周爰咨謀周爰咨度周爰咨 訽 多为四月全量 通 少留神天下幸甚 之媒眾人知所嚮美此激濁鎮浮之要術也伏惟陛下 而言之咨度者以義度之也猶以為未也又徧咨而 也咨諸事為銀既銀矣於是謀之既謀矣度其所宜 且訪問於善為咨所咨必於忠信使事以忠信為本 判李新乞令部使者薦進人才割子曰臣當觀皇華 從馬詢者徧咨之也陛下總章問道游心嚴郎以天

勞思所以報陛下者無非忠信之事且州郡薦士各有 とこうこ 亦有甘自晦縮不求聞知或不遇知己論薦不及士安 常格而竒才文士素為一 愚無知切遇將明之列奔走盡瘁靡敢遑處日夜焦心 凡享上不處犯法干禁雖遐傲異域有冤抑杜塞及吏 每道遣應訪使者二人分話郡縣觀察風話廣求民瘼 之暴横得以直通陛下遣使臣所以寵遇者至厚矣臣 四方之遠上情有未通於下下情有未能達於上故). L. 股代名臣奏議 路推稱孤寒無援沈於下像

義命其肯競進總籍博治難以自暴臣欲望陛下因其 **划穴四库全書** 其文藝及察送學士院詳校有可採者陛下自權而試 奏計願賜里訓令廣取時譽家以名聞即乞下所部 名庶幾上副陛下旁求雋义之意而萬里之遠無遺賢 歴所至許令投獻文字仍不得諷諭州縣沽激薦士之 之菁莪樂育教養而後用之則真材輩出矣凡使臣廵 歴代名臣奏議卷一百六十八 百六十